

## *JEHOVA-JAIRE* <sup>3</sup>

 Lu inamise litoho zaluna fa nako nyana kwa tapelo.

*Ki a biza libizo la sibaka kuli Jehova-Jaire: sina mo kuinezi... mokubonahalela... Fa lilundu la MULENA kufita... ni lizazi le.*

<sup>2</sup> Ndata luna yakwa Lihalimu, lu itumezi busihu boo ka kuba ni litohonolo le la kukopana hamoho ka Libizo la Mulena Jesu, ku to Mu lapela ka Moya wa zuho ya Hae. Mi luitumela hahulu ku Wena, ka So lu ezelize kale, ka kuitibahaza ili Wena ka Linzwi mwahala luna, ni ka zuho. Mi sepo ya luna i pahamisizwe luli, Mulena, kakuli lu ziba kuli—kuli Mulimu ye lu sebeleza ha ki mulimu wa matangu a kale, kono ki Mulimu yaliteni wa tensi ya cwale, Yena ya zuhile kwa bafu, mi upakile kuba Mulimu yana inzi ni Mushe, ni Abrahama, ni baapositola kaufela, mi usali Mulimu yaswana. Mi ni... Lu kopana hamoho ni Eddie Perronet, sina hana ize, “Sepo yaka haisika toma kusili kwanda Mali a Jesu ni kuluka kwa hae.” Kaewalo, lwa itumela ku Wena ka mbombolelwa yetuna yeluna yee.

<sup>3</sup> Ndate, buisihu boo, haiba kuna ni alimuñwi mwahala luna, busihu boo, yasina yona sepo tuna yee, ye kwateni ibe hola yakuli Niti tuna ya Kuyakuile yani ipatululwe ku yena, Ndate, kuli azibe kuli libaka la bezi fa lifasi fa ha ki ku—ku beleka feela. Mi leo ki leliñwi la mabaka, eeni sha. Kono libaka lelituna luli ki kuba mwana mushimani kamba wa musizana wa Mulimu. Mi zeo ha li feliswe, busihu cwana. Lumeleza cwalo, Mulena.

<sup>4</sup> Lu fuyole cwale hanze lu kopanela Linzwi la Hao. Linzwi la Hao kona Niti. Mi cwale Moya o Kenile omutuna unge Linzwi la Mulimu ni ku lu abela Lona ka mo lu tokwela, Kakuli lu kupa ka Libizo la Jesu. Amen.

Mwakona kuina.

<sup>5</sup> Ni itumezi ka kolo ya kukuta ku to kopana hape busihu cwana, ni kubonana ni mina sicaba hape ni Evangelie kanya. Lu zibisize kuli, cwale, kamuso kakusasana ki sikolo sa la Sunda, sikwata sa balisana bana ni sikolo sa la Sunda ona mwahali moo. Ni sepa kuli zeo ki zende luli. Mi buñata bwa bona ba ngile lipula kuzwa mwa likeleke za bona ni ku litisa kwanu kwa sicaba, mi luli ki kezo yende luli ye likute kuli sicaba sieze cwalo.

<sup>6</sup> Lu itumezi ku Mulimu ka moyo omunde mo lipazulezi zona Za lufile. Ne ba bulezi kuli nelukaba ni mañungwa ni lika zeñwi, ka nako kaufela. Kono U bulukile mañungwa, mi halusika ba ni yeñwi ya matata azona. Lu itumezi ka seo.

<sup>7</sup> Mi cwale, busihu boo bufilwe... Lubile fela ni lisebelezo sina kamita za kuhasanya. Mi haiba kuna ni baenyi ku luna...

Halusika talimisia hahulu fa—fa baezalibi kutaha ku Kreste. Mi ne Ni talima fa tuto yeñwi la Bune busihu, mi ha Ni si ka fita kale kuyona ni cwale. Lubile lu ambola fela ka za Abrahama, mi ha lu si ka fita kale fa tuto, ya *Jehova-Jaire*. Kona kuli lulika kufeza taba yeo busihu cwana. Mi lu sepa kuli Mulena uka pilisa mutu kaufela ya si ka piliswa, ni kutaza mañi ni mañi yasika tazwa ka Moya o Kenile, busihu boo.

<sup>8</sup> Cwale munahane ka zona ka swanelo hanze luli mwahali moo. Mi hanze lu—hanze lu ambola, mukwalule lipilu za mina kuli Moya o Kenile uamble mwahali ku mina. Ki sikamañi se lueza mo, nihakuli cwalo? Munahane fela ka zona. Sikamañi, bupilo bwa hao bubile sikamañi? Ubezi sikamañi moo? Kana Mulimu... Kana u mwa buino bwa kuli Mulimu wakona kunga kaufela—kaufela za kubeezi fa, kuzwa ku wena? Haiba hakucwalo, konakuli ha lu tokomeleñi zeo busihu boo, balikani. Ki...

<sup>9</sup> Ni—Ni na ni balikani babaliteni kwanu, kuzwa kwa lekeke yaka. Babañwi ba... Alimuñwi wa basepahali, Na ziba, mi bababeli kamba babalalu ba mizwale. Ni lemuhile fela lubasi nyana fela loluliteni mo, busihu cwana, baha Palmer babazwa mo kokuñwi, ba kobocize limaili mianda anda la—la Sunda ni sunda ha Ni kutazanga mwa Indiana. Mi Bo. Welch Evans ni lubasi lwa bona bateni mo kokuñwi. Ha ni zibi fela kuli ki kai. Na... Kacenu, Ne ni sweli kubala, mane neli musihali kaufela, mi ne Ni utwa manzwi abona kwani fande. Mi Na—Na ziba kuli bateni.

<sup>10</sup> Cwale, kamuso, kamuso ka tuu. [Yomuñwi uli, “Tuu.”—Mu.] Ka tuu kiloko, kamuso, sebelezo kaufela yona kamuso musihali ifilwe kwa bakuli, kwa litapeло za bakuli. Cwale, batu babañata babulelanga kuli ki sebelezo ya foliso. Kihande, ha lutabelangi kubulela cwalo ka zona. Kakuli, ha lu ibizeni kuli ki sebelezo ya tumelo. Kacwalo, haiba tumelo yaluna ikona kufits fa siyemo seo, Yena hamano itibahaza mwahala luna, ni kuziba lika kaufela zeli mwa lipilu zaluna, mi u li pakile ku luna, mwabona, kuli Wa pila, ni kuli ulipakile ka Mañolo.

<sup>11</sup> Kana mulemuhile mwa Na yemela Linzwi kaufela, ka Kubateni kwa Hae kokupila? [Kopano ili, “Amen.”—Mu.] Mwabona? Mwabona? Mwabona? Cwale, zeo libonisa kuli hamu lukeli kunahana kuli lulika kubulela fela taba ya mufuta fela wa litangu cwalo. Se i sepisize Bibele ye, kona Niti. Mwabona? Cwale Linzwi kaufela ki la niti.

<sup>12</sup> Cwale, Hakuna hani koni kuba ni tumelo yeñata kuli nieze Linzwi kaufela la Yona kuba mwa kezo, kono ha Ni koni kuyemela mwa nzila ya mutu yana ni tumelo yecwalo. Enoke nana ni tumelo yeñata, zazi leliñwi, kuli musihali omuñwi na itamaela feela ni Mulimu, mi azwelapili fela kuzamaya, aya kwa Hae kusina kushwa. Cwale, Ni sepa kuli Keleke ina ni kutaha

ku zeo, kwa tumelo ya Kuungelwa. Na hakulata hanina tumelo yeo cwale, kono luli Hanikoni kuyema mwa nzila ya mutu yana ni tumelo yeo.

<sup>13</sup> Kacwalo, lusepa kuli Mulimu uka lufa tumelo yetuna, mi, kamuso kuli hakuna kuba mutu ya fokola yaka siala mwa muyaho, haba ka taha kwa litapelo. Lu ka lumela fela cwalo. Mi cwale haiba luka lumela cwalo! Cwale, Ni boni cwalo linako zeñata luli!

<sup>14</sup> Ni boni nako foo twenti-faifi sauzande, munahane fela cwale, isiñi mianda ye twenti-faifi, twenti-faifi sauzande lifoliso zeipitezi ze ezahala ka tapelo iliñwi: Durban, South Africa. Neba longile, Ha ni sa ziba kuli neli bimbayambaya byebituna byebukai, zeo mwa ziba . . . Zepeli za byona nelika tala mwa sibaka *moo* kaufela, kunga zeneli kwani, simbayambaya sesituna sa British, mawili a sikisi ni eiti ku zona, ona cwalo, neli fela simbayambaya mwa mulaho wa simbayambaya, inge li shetumuka, ni makadi ni lipula za mawili, kamba ze ba biza kuli ma wiucheya, tumbeta nyana to ba lobazanga bakuli fateni. Ni kulinisa kuzwa mwa mushitu. Mi tau ha neika ba matisa, nebaka pahama kwa likota. Mi ni kutaha kwa mukopano. Mi ni kubona fela, fa katala, kuna ni mushimani.

<sup>15</sup> Wapili yana tile kwa katala neli mu—neli mu musali. Mi na na ni lipohanazo za Mohammed, ni mundolindoli o mufubelu mwahala meeto a hae. Mi Na mu buza haiba na bulela Sikuwa. Mi ki hali, “Hanyinyani fela.”

Mi se Nili, “Ni bona kuli u Mohammedan, Mohammedan.”

Ki hali, “Eeni.”

<sup>16</sup> Se nili, “Kiñi ha so tahela ku na, na nili Mukreste? Kiñi ha u sa yi ku muprisita wa hao?”

Musali ali, “Ni lumela kuli wakona ku ni tusa.”

<sup>17</sup> Mi se Nili, “Kihande, Hanikoni ku kutusa, konji, ha u ka lumela ku Jesu Kreste.”

Mi musali ali, “Kihande, Ni boni lisebelezo.”

<sup>18</sup> Ona kwani fela mazazi amalalu feela. Neluna ni, bukaufi ni baba likiti zepeli bene bainzi kwani, mwa sibaka. Kacwalo nebaba kwalezi kwande, kakuli nebana ni lindwa za mikowa, nibona.

<sup>19</sup> Mi se Nili, “Kihande, cwale, una ni kulumela ku Jesu Kreste.” Mi se Nili, “Ukile wa bala fateni—fateni Testamente Yenca?”

Musali ali, “Ni ibalile.”

<sup>20</sup> Se nili, “U hupula sikamañi ka Liñusa le Ni sa zo kutaza, ka Yena kuba yaswana maabani, kacenu, ni kuyakuile?”

Musali ali, “Na li lumela.”

<sup>21</sup> Mi se Nili, “Mi kambe Mulena Jesu na ka pila kacenu, U ku folisize kale. Kuya ka kunyanda kwa Hae, li lukile kale. Kono u lukela kuba ni tumelo. Mi kambe Na kaba fa, Na ka ku ziba. Na ka ziba zo ezize. Na ka ziba za hao kaufela. Wa lumela cwalo?”

Musali ali, “Eeni, sha.”

<sup>22</sup> Se nili, “Haiba U ka patulula zeo, kana u lumela kuli Yena, konakuli, Ukaba Mwana Mulimu, mi u zuhile kwa bafu, mi u sa pila kamita fa cwale? Moya wa Hae ku na, hamoho cwalo ni Bakreste babañwi baa?”

Musali ali, “Na lumela cwalo.”

<sup>23</sup> Se nili, “So tezi kwanu... Muuna hao ki yomukuswani, muuna yomukima. Una ni mulelo omunsu fahalimwa mulomo. Lisunda zepeli kwa mulaho, noli ku dokota. Ki le libizo la hao.” Ne ni palezwi kuñola, ne ni sa koni ku li bulela. Ne ni na ni kuli peletela. Neli libizo la si Mohammedan.

Musali ali, “Yeo ki niti.”

<sup>24</sup> Mi se Nili, “Kanti, mi muuna hao na libelela mwa tuyaho. Na tinile suti yeseta ni kuwani yefubelu nyana.” Se nili, “Dokota neli muuna yomutelele cwalo, yomusisan, yana tinile magilasi aezizwe fa manaka cwalo. Na ku tatubile za sisali, ni kufumana kuli nona ni sipute kwa lii.”

Musali ali, “Yeo ki niti.”

Se nili, “Wa amuhela Jesu kuba Mupulusi wa hao?”

Musali ali, “Jesu Kreste abe Mupulusi waka.”

Bukaufi ni yena nekuyemi mushimani wa meeto a mulenga.

<sup>25</sup> Mi ne ba lukuluzi fela bakutazi kuya, kunga alimuñwi kamba bababeli mwa lusika ni lusika. Hakuna mwa ku ba haniseza, nekusina mukwa nihanyinyani. Kacwalo, nebana ni mianda anda ya masole bene balika ku ba swala, kono ba palelwa.

<sup>26</sup> Mi kacwalo mushimani yomunyinyani wa meeto a mulenga yoo, ba mutisa kwa katala, butelele inge *cwalo*.

<sup>27</sup> Mi fa katala fahalimu, mulilima wani omutuna obizwa Calla. Mina likezeli mo, muswana sina lipalisa zani! Lipalisa zeñwi za Calla zani lina ni mainci a eitini mwa butelele; ñandatalukeke, busweu, zende. Mi nebana ni zona. Zona ki za mwa naheñi fela. Nenina ni bikocela byene bitomilwe bukaufi.

<sup>28</sup> Mi Ne ni sweli kuambola. Ba tisa mushimani yani kwapili. Bakutazi ba mutisa kwapili. Mi mushimani nana ni meto a mulenga. Kona hana sa zo ca mulalelo wa hae.

<sup>29</sup> Linako zeñwi micelo yabona—yabona ya sehisa luli. Nana ni... Banga muutwa wa sinuku ni kucomola misinga ya komu, kusela mo ba bisa kuli—kuli buleke. Ki saka yenyinyani, ye lukilwe hamoho ka mukata, ni kueza kuli—kuli mali, mali a cisa,

a suluhele mwateri. Mi ni kuhamela mabisi nyana ku yona, ni ku a bilisa, apanga switi ye—ye munati ya lolipopu.

Haukoni kutabela iliñwi ya ona, nji wakona kutabela, mulatiwa? Batili.

<sup>30</sup> Ili kuli, kono, yena, kona za na sweli kucanga. Mi meeto a hae aba a mulenga. Se nili, “Cwale, mutu kaufela wakona kubona, wakona kuziba ze fosahalile ku mwana. Meeto a hae a na ni mulenga. Haiba Ne ni ka kona kutusa mbututu yoo,” Na li, “Ne ni ka eza cwalo. Kono Hani—Ha ni koni, mane hakuna neba yakona kutusa.” Se nili, “Haiba dokota na ka kona, kupalañi, hanasike kueza cwalo, kona kuli nakaba nto isili yezwa kwa pilu ya dokota, haiba na kakona kutusa.” Se nili, “Usike wa nahana kuli bakona kuba ni mukwa kaufela wa kueza ka ona ka nako ye.”

<sup>31</sup> Se nili, “Kono, cwale, Mulena wakona ku ni patululela za mbututu.” Mi cwale, I ize, “Mbututu, bo ndatahe ni bomahe ki ba swana.” Sani neli... Neli ba mushobo wa si Zulu, mi bona hañata ki ba bakima. Na li, “Ba ki bona babainzi fa cwale. Libizo la hae ki la *kuli-ni-kuli*.” Mi se Nili, cwale, “Mbututu na pepilwe ni meeto a mulenga. Kakuli, bomahe... Ba zwa kwa... Ba lumela ki Bakreste, kakuli mwahali a kandu ka bucwani kani, kwahalimu ni kwatasi, kuna ni siswaniso sa Kreste, se si lepelela kwa lizoho la bulyo la limota.”

<sup>32</sup> Mi se Nili, “Mi mbututu, bomahe ba sa to bonisa fela mbututu ku bo ndatahe, neli wa meeto a mulenga.” Bondatahe ni bomahe ba yema, kupaka kuli neli niti. Na talima kwa mulaho ku mbututu, meeto a hae aba hande inge aka.

<sup>33</sup> Kacwalo Na li, “Cwale, wa bona, Mulena,” Se nili, “Ha ni si ka yema liñokolwa ze lishumi buhule ni mbututu, mbututu u folisizwe.”

Na li fitelela fela. Mi Na biza ya tatama.

<sup>34</sup> Mi cwale hane kuli cwalo, Na utwa nyungano. Dr. Bosworth ni Dr. Ern Baxter, baina sipula baka, mwa mukopano, nebaswelii kukanana ni mutu, mi Na... ka kueza nyungano yeo. Mutangana yo nalika kutaha fa katala, kamba kulika kupahama fani. Mi nekuna ni madokota babañata nyana, madokota ba sipatela inge bainzi fani. Kacwalo dokota wa sipatela yoo, a—a bulela, na sweli kubulela. Ki hali, “Ni bata kuambola ni yena ka za mbututu yoo.”

Na fetuha, Na li, “Ki butata mañi, dokota?”

Ali, “U ziba cwani kuli Ni dokota?”

<sup>35</sup> Mi se Nili, “Wena u dokota. Ki wena... No hulezi, kwa England. U dokota wa mu British.” Ni ku mu bulelela kwa na kenezi sikolo.

<sup>36</sup> Ki hali, “Cwale, Bo. Branham, Na utwisisa ze ikona kueza—kueza ngana ya mutu fela.”

Se nili, "Ha ni bali ngana ya hao, dokota."

<sup>37</sup> Mi ki hali, "Kono se Ni sa utwisisi . . ." Ali, "Ni lumela kuli kuna ni Mulimu. Mi Ni ziba kuli mulilima wani haukonu kupila fani kusina Mulimu," ali, "kakuli una ni bupilo ku ona." Ki hali, "Kono kana Wakona kuswaliwa nji? Na lula mbututu yani kwa kataala. Ne ni mu tatubile. Meeto a hae neli a mulenga ona faale. Mi ki yo fa mbututu cwale ni meeto a talimile hande. Ki sikamañi se si ezize cwalo, Bo. Branham?"

Se nili, "Jesu Kreste."

<sup>38</sup> Mi ki hali, ki hali, "Kihande, cwale talima," ki hali, "Na lumela ku Mulimu." Ki hali, "Kono Ni bata ku ku buza puzo, sina mukutazi cwale. Kana u lyanganisize ngana ya mbututu nji?"

<sup>39</sup> Se nili, "Muñaka, mi utorialusa kuli ba—ba British Medical Association ba kufile situpa sa kusebeza za milyani, kono upalelwe kuziba za kulyanganisa booko sina cwalo? Haiba kulyanganisa booko kwakona ku otolola hande meeto a mbututu, kona kuli usebeza ka kulyanganisa booko he." Mwabona?

Mi ki hali, "Kihande, ni bulelele se si ezize cwalo."

Se nili, "Jesu Kreste."

Ki hali, "Talima," ali, "Na lumela. Se nili Mulimu u mwa mulilima wani."

<sup>40</sup> Mi Bo. Bosworth bali, "Cwale, u ka kalisa musunga fa." Kakuli, nebana ni ketululo, nibona, kwani, mwa ziba.

<sup>41</sup> Mi kacwalo se Nili, "Ukaba ni . . ." Mi, ndwa ya mukowa. Se nili, "Uka kalisa musunga cwale. Usike wa eza cwalo." Se nili, "U sweli kusinya hahulu nako ku mbututu yani."

<sup>42</sup> Mi se Nili, "Ki se so lukela kueza. Mbututu na yemi fani. U mu beile kwa kataala. Ki tumelo ya hae, ni tumelo ya bo mahe, ka kubulela cwalo, kona ye folisize mbututu. Meeto a hae nana ni mulenga fani, na si ka ni swala, kamba neba bukaufi ni na, kamba nto ifi kaufela. Mane ne ni si ka talima kamba kubona mbututu yani, ne ni talima kwa kopano, na bona pono, na bulela sene sili sona, ni katalima kwa mulaho, meeto a mwana a otoloha hande."

<sup>43</sup> Mi ataha kwapili mwatazaza maiki ya muhala yani. Mi ali, "Na amuhela Jesu Kreste kuba Mupulusi waka." Mwabona?

<sup>44</sup> Ha ne Ni zwa kwa Durban, atulela kwabuse bwa lukwakwa, kone kuna ni babañata, mwendi lishumi, batu babaeza likiti ze mashumi amabeli nebali kwande kwani kuli babulele musiyale-foo, mi . . . Kamba, kuzwa (isiñi Durban, mu Ni swalele) Johannesburg. Mi atulela kwabuse, ni ku to ni swala mwa teka, sina cwana, mi ani bulelela kuli naitulezi musebezi wa hae mwa muleneñi, mi u sikuluhela kwa musebezi wa mwa simu, sina mubuleli wa linzwi muhasanyi wa milyani kwa sicaba. Mi

hanasweli kuambola kuna cwalo, akala kubulela ka malimi asili, hana sweli kuambola ku na. Yeo ki niti, dokota wa za milyani, Anglican, Anglican.

<sup>45</sup> Ya tatamafafasi fani neli mushimani yomunyinyani, kamba mutangana. Yena... Hanina kuba ni nako ya kukena ku zona. Ki... Na li cwalo, na—na ni ku zamaya ka mazoho ni mahutu, cwalo. Neba mu tamelezi liwenge mwa mulala wa hae, inge nja.

<sup>46</sup> Mi se Nili, “Mawi, wena...” Mulikani ya zielehile yani, haiba kuna ni yakona ku mutusa, mi haezi cwalo, ikona kuba mutu wa pilu seta luli. Se nili, “Eeni sha, cwale, Hanikoni ku mu folisa, mañi ni mañi wa ziba cwalo. Hanikoni ku mu folisa. Nikona fela kubulela haiba Mulena a ni bonisa se si ezahalile, kamba se si tisize cwalo, kamba nto yeñwi. Kakuli foliso i lekilwe kale.”

<sup>47</sup> Cwale, Ni bata kuli mina sicaba mo, ba bakula, kuli mulemuhe cwalo. Foliso i lekilwe kale. Mu folisizwe kale. Ki kutokwa fela tumelo. Kaufela za kohanala ku baba lumela. Mu lukela fela kulumela cwale.

<sup>48</sup> Mi kacwalo he lufumana kuli mwana yo...mwanana yo fa, Na—Na li, “Mu tise kwanu.”

<sup>49</sup> Mi ne basweli ku mu zamaisa ka liwenge. Mi a hupula, cwale, linako zeñwi mishobo ibata kutabisanga bo sibuhabuhi ka makishi. Mi ni kubina nyana, mwa ziba, kubina nyana kwa sizo, kuli ba amuhele ka pene nyana kwa bapoti bo sibuhabuhi. Mi a hupula kuli Ne ni bata kuli a ni binele. Mushimani watemi mane na si ka lyangana mwa booko. Mi, eehe, Hanikoni kubulela mwa sicaba se sikopani se, kakuli haba tinangi, mwa ziba. Basali ba bona, baana, ni kaufela, ba mapunu fela. Kacwalo ba—ba fela... mwendi ñindi, kamba nto yeñwi. Kono nali ka mazoho ni mahutu, mi neli fela kusabisa. Kacwalo he Na... Ba mu swala kwa liwenge, inge *cwana*, ni ku mu tisa; inge li talimilwe mwa mulala wa hae, inge ba mu hohola cwalo. Mi nasweli kulika, kuzamaya, “A-ba-ba-ba.” Na lika kueza kuli autwisise kuli hakizonza zene Ni bata. Na...

<sup>50</sup> “Mutoloki wa si Zulu,” Se nili, “cwale bulela manzwi. Mu bulelele fela ayeme akuzize mi a lumele.”

<sup>51</sup> Mi ani talima sina *cwana*. Mi—mi se Nili, “Cwale, mushimani ki... Uibile ona cwalo kuzwa inge hasali fela yomunyinyani.” Se nili, “Seo ali sona luli... Sa sweli kunahana cwale, ki muzwale wa hae. Muhulwana hae wa muzwale na pahami nja ya mubala wa buñandatalukeke, kamba puli. A yumbelwa koo.” Mi se Nili, “A ikolofaza mane aba sihole. U zamaya ka milamu yemibeli.” Mi se Nili, “Cwale, Ni bona mutangana ya folisizwe. Yena, u yumbile milamu ya hae.”

<sup>52</sup> Ka yona nako yani, nekungile mizuzu ye mashumi amabeli ku ba kuzisa. Mushimani na inezi fa butetelele bobulikana libima zetalu kwahule, fa butetelele cwalo. Ki yo ataha, ni milamu

mwahalimu kwa mahozo a hae, amata katata mwa na konela. Na folisizwe, ona *kwani*, fani mutoloki wa mu Zulu yani. Batoloki ba bashutana baba fifitini inge bayemi fani. Ha u bulela linzwi, una ni kulibeleta konji lifite mwa batoloki kaufela. Ki yo ataha, ni milamu fahalimwa toho, sina *cwalo*. Na folisizwe.

<sup>53</sup> Mi—mi cwale Na—Na talima kwa ni kwa. Mi Na lemuha, hape, na mutualima, Na mu bona inge ayemi. Yeo kona pono. Hakuna se si ka tuhelisa zeo. Batili. Se li felile kale, mwabona; ki kulibeleta fela linzwi.

<sup>54</sup> Cwale, amutalime. La Mubulo yetaha ye Ni ba ni myaha ye fifite-faifi ya kupepwa. Ki zazi la kupepwa kwaka. Mi Ni boni lipono kuzwa kwa bushimani bwaka. Ha ni si ka bona neba iliñwi ya zona kupalemwa. Mi Ni ka buza mutu ufi kaufela yakile abona fateni iliñwi, yene bulezwi, ni kupalemwa. Ha ikoni kupalemwa. Ki Mulimu.

<sup>55</sup> Kacwalo, mi Na i bona. Mi Na hupula kuli, “Ki ye fa kolo yaka yakuba ni . . . kuba—kuba ni lipizo za kwa katala. Mi Na mubona inza yemi. Ne ni ziba kuli na ka foliswa ka nako yani, kakuli, mwabona, li bonisizwe kale. Ina ni kuba ona cwalo. Ki sona se i bulela pono. Ki yona niti luli.

<sup>56</sup> Ki ba bakai baba ziba kuli lika zeo ki za niti? Se, kwa baeniyi kuli ba bone. [Kopano ili, “Amen.”—Mu.] Ki niti. Kutokwa, hakuna kupalemwa ku yona. Mulimu kamita abile aeza kamita kuba niti.

<sup>57</sup> Na hupula kuli, “Ki ye nako yaka yakubizeza sicaba kwapili.” Na li, “Cwale, mushimani yo faa, Ha ni koni ku mu folisa. Kono haiba mata a Mulimu ani bonisize pono, kipeto u ka foliswa cwale. Cwale, haiba ha folisiwi, kipeto Ni mupolofita wa buhata. Kono haiba a foliswa, ki ba bakai kwande kafoo baba ka amuhela Kreste kuba Mupulusi wa mina?” Nekuna ni, Na sepa, nekuna ni ba Mohammedan baba teni sauzande kwani.

<sup>58</sup> Ne ni bulezi feela, mazazi nyana kwa mulaho nyana, ku muuna ya itutile hahulu. Ali, “Mupuzo o fuyozwi kwani!” Mwa ziba, ba zwa kwa ma Medes-o-Persian. Ha ba cinci kamba kufetula. Hamukoni kucinca neba alimuñwi wa mitangana bani.

<sup>59</sup> Kacwalo, mi nebali kwani, bali kuina fani. Alimuñwi wa basali ba Mohammedan na sa zo amuhela fela Kreste, mi sani sa ba hapeleza. Ni mwana mushimani wa Mahatma Ghandi naliteni mwani.

<sup>60</sup> Kacwalo, nekuna ni—nekuna ni mushimani yoo. Mi kacwalo Na li, “A ku yeme. Jesu Kreste wa ku folisa.” Kihande, na lika kueza, “Ug-ug-ug,” sina cwalo. Na mu sutelela ni kuswala liwenge mwa lizoho laka. Na li, “Aku yeme. Jesu Kreste wa ku folisa.”

<sup>61</sup> Cwale, ki ye fa Bibele. Mi haiba kaufela mina mwa ziba ze ne ezahalile mwa masihu alikani afelile, Ha ni swaneli kubulela sika se si fosahalile, ku sona.

<sup>62</sup> Kwani, mushimani yania na katazeha ona cwalo, a zamaya, mukokoto wa hae wakena mwahali, inge mukokoto wa pelesa ye pahamiwa. Mazoho a hae ni mahutu; mazoho a hae na pazauhile fela inge mahutu a hae, bakeñisa kuzamaya. Ka nako yapili mwa bupilo bwa hae, ayema ka mahutu. Mioko ya lotela fa mukubu wa hae, sina *cwalo*, ya buba feela, ona cwalo. Na si ka foliswa fela, kono aba mwa munahano o iketile. Mwabona?

<sup>63</sup> Na bona, Se nili, “Cwale ku mina kaufela baba ka lumela, ha ba lumele cwale hanze Ni lapela. Ni bata kuziba kuli ki ba bakai moo,” Se nili, “kikuli mu ka amuhela Kreste kuba Mupulusi?” Mi kwa bonahala inge liwate. Mi ba bala batu baba kuma fa seti sauzande ba matakanyani bani, bene ba sa zibi lizoho la nzohoto ku la bulyo, bataha ku Kreste.

<sup>64</sup> Na hupula hane ni kutaza kwa Kiwanis, ha ki kale hahulu. Mi cwale Na hupula mutangana yana ni beile fa bukutazi mwa keleke ya Missionary Baptist, ya na ni sehanga nako kaufela. Na li, “Se ba Bap- . . . Se mubiza kuli tumelo ye fitelezi, mwabona, sitisize miyo yemiñata ku Kreste mwa hola iliñwi, kufita likiti kiti ze mashumi a madollar ao keleke ya Baptist ibeile mwa misebezi ya kuhasanya linzwi kwani.

<sup>65</sup> Lu ba fumani cwani? Kulo kwani, kuikeza inge Mukreste, sina *cwana*, ni kulwala kapupe mwa lizoho. “Haiba Amoyah . . .” Amoya italusia “mata a sa bonwi,” inge moyo cwalo. “Haiba a palelwa, se hasina kupalelwa.” Ao kona mata ateni. Mi teñi Na bona sicaba seti sauzande sa ba matakanyani bani kufa bupilo bwa bona ku Kreste.

<sup>66</sup> Ni kuya kwa mishobo kwande kwani, kuwina balikani babona babañwi ku Kreste. Mi Na fa tapelo iliñwi kwa sicaba sani kamukana. Mi mwendi ka lihola zene kuzwa fa, Sidney Smith, muyemeli wa Durban, Sidney Smith, muyemeli wa Durban, South Africa, ani biza ka luwaile. Ali, nekuna ni musali yana shwile, busihu bwa kwa mulaho pili, mi a bizwa, ku yo lapela. Mi musali yani nali kwa mukopano, inza pila. Mi, kacwalo, he, ani yani neli muhabo wa Sidney Smith, mi atabela hahulu.

<sup>67</sup> Mi cwale yoo, ki ali, “Zamaya kwa lihaulio la hao mi utalime, mwa mukwakwa ne ku shetumuka.” Mi kwataha bimbayambaya byebituna byani, inge bilongilwe mane kutala. Mi bañi ba naha bene bali mwa mimbeta yani ni milamu, kakusasana wani, ne ba zamaya mwa mulaho, ni mazoho abona mwa halimi, inge balila, kuopela mwa mishobo ya bona, “Lumela feela. Kaufela za konahala.” Mi nekusina lindwa mwahala bona, neli sikusha mwa mulaho wa sikusha inge bataha cwalo. Bimbayambaya inge bi zamaya cwalo, ni limota za mapokola inge li sindeketa, ni

mota ya kuhoha inge ngolobani neizamaya kai ni kai, ona cwalo.  
*Lumela Feela.*

<sup>68</sup> Cwale, haiba baba apala likubo baba sa zibi lizoho la nzohoto ku la bulyo bakona kuamuhela zeo, kucwani he ku luna? Mwabona? Mwa ziba kana? Ha ba si ka susumezwa ka tuto ifi kaufela. Mwabona?

<sup>69</sup> Lubile ni mutu kaufela. Dr. wa *Kuli-ni-kuli* uli, “Ki tumelo ye fitelezi.” Yo ubulela kuli, “Ki kunuha kwa minahano.” Yo uli, “Hakuna zeliteni mwateni.” Yo uli, “Ki diabolosi.” Ha mu zibi za kulumela. Leo kona libaka ha kuli tata. Sibaka se si tata hahulu kuba ni lisebelezo za foliso mwa U.S.A. Yeo ki niti.

<sup>70</sup> Kwani, bona kwani, hakuna ze ba ziba. Hakuna ze ba utwile fateni. Mwa ba bulelela sika. Bona baswana fela inge banana. Ba li amuhela ni ku li lumela, kipeto ba ikela.

<sup>71</sup> Mulena alu tuse cwale. Cwale, ki nako yeñwi hape ya kulapela. Halukoni kulapela hahulu, yeo ki nto iliñwi. Bibele iize, “Ni tabla kuli batu balapele mwa libaka kaufela, ba nanulezi mazoho a kenile mwahalimu.”

<sup>72</sup> Lu amuhele, Mulena, mwa kopano ya Hao moo, hanze luipa ili luna ku Wena, kopano ya Linzwi la Hao, kakuli Wena u Linzwi. Lwa kupa ka Libizo la Jesu, ambola kwa lipilu za luna. Amen.

<sup>73</sup> Ne lu siyezi Abrahama maabani busihu mwa... Ne lu kalile ni yena, mi mwa kauhanyo ya 22 ya Genese, mwa na sweli kufa sitabelo sa hae, mufuta wa Mulimu yafa Mwana Hae. Ne lu kalezi kwa mulaho kwani, lwa taha ku to nanula hape, bupilo bwa hae, mi halusika bufeza kale mane. Ne lu musile, maabani busihu, mwendi mwa kauhanyo ya 16 kamba 17. Na lumela, kauhanyo ya 15 kona mo ne lu mu siyezi. Mi luka lika kufeza busihu boo, kakuli Ni na ni liñusa la foliso fela ya Bumulimu, haiba Mulena alata, ya kamuso musihali.

<sup>74</sup> Mi cwale mulisana ufi kaufela u memilwe. Tisa kopano ya hao. Mutahé kwanu mi uyeme ni bona kwa tapelo.

<sup>75</sup> Cwale lu lemuha kuli linako zeñwi Jesu naeza lika, mi U sa eza lika linako zeñwi... Mu li, “Kiñi Ha ka lumeleza lika ze kanti, Muzwale Branham? Kiñi Hakona ku lumeleza lika zeo kuezahala?” Fokuñwi liezwa kuli ka kulika tumelo ya hao, linako zeñata. Luna... Mi U ezanga lika zenca. Kiñi Ha sa zweli fela kwande ni kubulela kuli, “Kina Se, mi ki Na Sani.” Na si ka eza cwalo mwa sibaka sapili. Mwabona, U ezanga cwalo ili kulika tumelo ya hao.

<sup>76</sup> Amutalime, baprisita ne ba hupula kuli Naka taha ku to ambola ku Kaifasi, muprisita yomutuna. Kono Na pepilwe cwani? Mwa sicelo. Mi mane a haniwa ki sicaba sa Hae Tota ni likopano za Hae za mazazi ani.

<sup>77</sup> Cwale lufumana cwana, nako yeñwi, Jesu wa bulela. Ni tabela fela kubulela manzwi nyana fa o Ni tabela kubulela. Jesu una ni nyangela yetuna yene Mu beile mwahali, mi kwa bonahala inge kuli neli zeñata hahulu, kacwalo amutalie za Na bulezi. “Kwanda kuli munce nama ya Mwana mutu, ni kunwa Mali a Hae, hamuna Bupilo.” Cwale munahana sikamañi kuli dokota wa sipatela, kamba mutu kaufela ya itutile kaufela, ukona kunahana ha utwa za Muuna yana ni libizo la kuba mwana wa mwa bucwani mane abe yaswana sina mukwenuheli kwa sicaba sa lizai lani, ayeme ni kubulela pu—pu pulello ye cwalo, “Kwanda kuli muce nama ya Ka ni kunwa Mali a Ka”?

<sup>78</sup> Kiñi, neba ka bulela kuli, “Muuna yo ki muca batu. Kiñi, mawi! ‘Lunwe Mali a Mutu, ni kunca nama ya Hae’? Mina kopano musabe ku Muuna ya lyangani cwalo yoo.”

<sup>79</sup> Na si ka li tatulula. Na si ka li tatulula. Na sa tokwi ku li tatulula. Yeo ki niti. Na bata fela kubona mufuta wa tumelo yene ba nani.

<sup>80</sup> Mwabona, mina, haiba mwa lumela, mwa lumela, Hanina taba za bulela mutu ufi kaufela. Haiba Ni lapelela batu ba faifi sauzande busihu boo, mi kaufela ba faifi sauzande bashwe busihu boo, kakusasana Ni ka lapelela bakuli hape. Mwabona? Kona za bulela Mulimu, ki zona za butokwa. Ha ki ze ba bulela batu zeli butokwa. Mwabona?

<sup>81</sup> Mi, Mulimu, Na—Na ize, “Mi kwanda kuli muce nama ya Mwana mutu, ni kunwa Mali a Hae, hamuna Bupilo.”

<sup>82</sup> Kihande, mawi, sicaba sani, sikwata sa ngana fela sani, kiñi, kiñi, ba bulela kuli, “Muusabe ku Muuna yani. Wa pulumuka. Ki muuna ya sitani. Kiñi, Ki muca batu, ‘kuca’ mibili wa Muuna yani.” Cwale, Na si ka li tatulula.

<sup>83</sup> Cwale Nana ni bakutazi baba mashumi a supile hamoho ni Yena. Na hupula kuli Nana ni sicaba sesiñata kwani, kacwalo si—si sicaba sa mu mata sa Mu siya. Kacwalo Nana ni bakutazi baba beilwe fa bukutazi inge bainzi kwani, ba Na lumile kuya, baba mashumi a supile mwahala bona. Ki hali, “Mu ka bulela sikamañi ha mu bona Mwana mutu akambamela kwa Lihalimu kwa Na zwile?” Cwale, Na si ka li tatulula.

<sup>84</sup> Mi bakutazi bani bali, “Muuna ya kambamela kwa Lihalimu yoo kwa Na zwelezi? Kiñi, lwa Mu ziba. Lwa ziba bo Mahe. Lu i lo bona ni mwa sikungu mwa Na pepezwi. Lu boni sicelo mwa Na lobalizwe. Lu yambile ni Yena. Lu inzi fa likamba ni Yena. Mi yena Mwana mutu yo ki yena ‘yakambela kwa Lihalimu kwa Na zwile?’ U zwelezi kwa Betelehema. U ‘zwelezi’ kai yo? Zeo cwale seli zetuna ku luna.” Mi ba ikela ba Mu siya. Na si ka li tatulula. Ali kuba.

<sup>85</sup> Na sa lukeli ku tatulula sika kaufela. Mulimu ha lukeli kutalula sika. Yena ki Mulimu. Yena u li ezanga fela, kakuli U li sepisize. Ha lu tatululangi.

<sup>86</sup> Mi cwale ba Hae ba twelufu ba siyala. Mi A sikuluha ni ku ba talima, ali, “Ni ketile mina ba twelufu, mbo alimuñwi wa mina ki diabulosi.” Ki ali, “Kana mu bata ku ya, ni mina?”

<sup>87</sup> Mi Pitrosi abulela manzwi amatuna ani, “Ki ku mañi ko lu kaya, Mulena? Kakuli lu kolwa kuli Wena una ni Manzwi a Bupilo.” Ne ba Li boni hande ha li pakiwa; hakuna taba kamba baprisita ne ba bulezi sikamañi, za na bulela mutu. Ba ziba ona fani, kuli, kuli Nana ni Linzwi la Bupilo. Ali, “Una ni Linzwi la Bupilo.”

<sup>88</sup> Mi cwale lwa lemuha, hakuna taba ze ba eza babañwi, mo ne bayezi kusili, balutiwa bani ne ba lemuhezwi cimo, ne ba lukiselizwe Bupilo Bobusafeli. Batili, ne ba sa Li tatululi, ne ba si ka Li tatulula ni hanyinyani sina babañwi babona. Kono nekuna ni sesiñwi ku bona, sene—sene sibonahalizwe mwa Lihalimu. Muhupulo wa Mulimu wa na bile ni ona ka bona kuzwa kwa mutomo wa lifasi, wa iponahaza kulo faa, mi ba tamahana ni Mulimu mi ba ziba hande kuli yani neli sepiso ya Mulimu ye pakilwe, mi hakuna ze ka cinca zeo ku bona. Boo kona, Bukreste bwa niti.

<sup>89</sup> Kacenu, batu ki libupiwa za mufuta usili sina mo ne bainezi mwa mazazi a balutiwa kwani kwa liwate. Mi busihu bulibuñwi liñungwa la zuha, mi nekusina sika; sepo kaufela ya fela, yakuli ba piliswe. Mi ba Mu bona inza taha, azamaya fa—fa—fa mezi. Cwale sisepe sa bona sakena mezi, mi masila a pazauha, ni lilabo za lateha, mi neba swalani, inge ba huwa. Mi ba talima fahule ni ku Mu bona inza taha, inza zamaya fa mezi, mi ba Mu saba. Sepo yabona fela inosi, mi ba saba nto yene ka ba pilisa. Haiba seo ha ki siswaniso sa niti kacenu, hape! Ba—ba hupula kuli na bonahala inge sipuku. Mwa ziba, ba bulela kuli ne ba lila, bakeñisa boi, “Ki silumba!” Na bonahala hape inge silumba. Sani kona sika sesiswana mo si inezi kacenu.

<sup>90</sup> Kono haiba muka eza fela mo ne ba ezelize ha ba lila; ba utwa linzwi lani ha litaha, “Musike mwa saba. Ki Na. Musike mwa saba. Mube baba tiile lipilu.”

<sup>91</sup> Mi haiba mu ka lemuha fela Linzwi la sepiso la lizazi le, muka utwa linzwi leliswana lani ha libulela mwa Linzwi, “Ki Na. Ne ni sepisize kueza ze mwa mazazi a maungulo. Musike mwa saba. Musike mwa saba. Mubeye sepo ya mina ku Na, na Mwana Mulimu,” Yo Ali yena. Mulumele cwale.

<sup>92</sup> Ne lu siyezi Abraham fa Pila Elohim, maabani busihu, kwana li . . . lu mu shetumuzi mwahala lisepiso. Mi cwale sepiso ya mafelelezo asika taha kale mwana, lufumana kuli Muuna ataha; yana apezi sina mutu, aca sina mutu, abulela sina mutu; mi Abraham a Mu talima mi a Mu biza kuli Elohim, “Elohim.” Bababeli nebaile kwa Sodoma, kuyo kutaza kwani. Mi lu tamahanyize buino boo ku za kacenu. Mina kaufela mwa hupula likande fo ne lu li siyezi. Kinto yeswana fela sina Jesu

mwa na bulelezi kuli kona mo ku ka bela, kuli, “sina mo ne kuinezi mwa Sodoma,” nto yeswana iteni mwa mayemo aswana busihu boo. Mi haiba . . .

<sup>93</sup> Kacenu Ne ni iinzi fani, mi Ne ni nahana, mi Ne ni nahana ka zona litaba ze. Ba utwa zikinyeho yeñwi ya lifasi ha i ezahala kwani, mi se bali, “Ki kunyunga linaha hape.” Mi Na hupula nali, ki sikamañi se? Mwa ziba, ne li ezahalile la Bufaifi Lelinde. Mwa ziba, myaha ye likana mianda ye naintini kwa mulaho, la Bufaifi Lelinde, keleke ya hana Jesu Kreste, mi zikinyeho ya lifasi ya nyunga lifasi kaufela. Mi ba Mu hanile hape, mwa Lusika lwa Laodesia, sina Bibele mo i bulelezi kuli ba ka eza, ya Mu kasheza kwande.

<sup>94</sup> Mi muzamao wa swaliso wo wa Katengo ka Likeleke kona mo ba ezeza luli. Basweli kuhatikela lituto za bona kaufela za kuhasanya linzwi ni lika zeñwi. “Bababeli bakona kuzamaya cwani hamaho ha ba sa lumelelani?” Kihande, hamukoni kueza cwalo.

<sup>95</sup> Zeo halikoni kubeleka ni Bakreste baniti, sakata. Habana ku li amuhela. Batili, sha. Mukreste ya pepilwe sinca hakoni kukena mwa kalaba kaka cwalo. Kuswana fela inge kubeya pato mwa—mwa sikalamunanga. Ba ziba kuli siya kwa ku bulaiwa. Hamuna ku si hapeleza mwateni. Kacwalo luna . . . Mukreste wa niti ya pepilwe sinca uka inela kwahule ni zeo.

<sup>96</sup> Cwale Abrahama na yemi fani inza ambola ni Muuna yana fetulezi mukokoto wa Hae kwa tende kone kuinzi Sarah. Mi Abrama . . . Libizo la Abrahama, zazi li liliñwi kamba amabeli kwa mulaho, neli Abrame; ni Sarai, mi cwale seli Sarah, ku Abrahama. Mi A bisa Abrahama ka bushemi, ka libizo la uprisita. “Abrahama, u kai Sarah (*mukwae*) musala hao?”

A li, “U inzi mwa tende, kwa mulaho wa Hao.”

<sup>97</sup> Ki hali, “Ni ka ku potela kuya ka sepiso, nako ya bupilo,” ka manzwi amañwi, “kweli yeñwi. Mi Ni ka ku potela ka mo Ni sepiselize.”

<sup>98</sup> Na nza libeleta ka myaha ye mashumi amabeli ni ye ketalizoho cwale mwana wa sepiso yoo; kusina ku kakanya ka kusa lumela Linzwi la Mulimu, kono a tiya, inza fa tumbo ku Mulimu. Mutualime se cwale.

<sup>99</sup> Mi cwale Sarah, mwa tende, hane lu ka libulela ka mushobo wa mwa mukwakwa, a kenelwa ki lisheha mi asehela mwa pilu, ali, “Na, nili mucembele musali muhulu, myaha nainte ya kupepwa, mi nibe—nibe ni munyaka ni mulena ka, muuna ka, yena kwande kwani ni myaha ye mwanda ya kupepwa?” Ne ba se ba tuhezi kuba muuna ni musala hae; myaha yeñata, ñata.

<sup>100</sup> Mi—mi Muuna yani, ni mukokoto wa Hae u talimile kwa tende, ali, “Kiñi Sarah ha buzize puzo yeo, kubulela mwa pilu ya hae litaba zee?” Mwabona? Mi ka yona nzila yeo Abrahama

alemuha ya Na ambola ku yena. Yani neli Elohim, kiniti. Sisupo sa Hae sa paka buipuleli bwa Hae. Ali, “Ni ka ku potela.” Kiñi ha Na bulezi kuli, “Na”? Nekutahile cwani kuli A mu bize kuli Abrahama? Kanti, ki Yena yana mufile libizo. Mwa ponahazo, isiñi mwa buino bwa mutu; kubonisa hande ze ne ka ezahala. Amufa mata a Hae a pakilwe ni Linzwi le li sepisizwe, kuli Muuna yana ambola ni yena yoo neli Mulimu, Elohim.

<sup>101</sup> Cwale lufumana cwana kuli, mwa Maheberu kauhanyo ya 4 ni timana ya 12, sina ha Ni ibulezi habeli, kale, masihu amabeli afitile, kuli, Bibele ibulezi kuli, “Linzwi la Mulimu li lemuha milelo ya mwa pilu, likunutu za mwa pilu.”

<sup>102</sup> Mi cwale Jesu ha na talima fa kopano ni kulemuha milelo ya bona, ni kubulelala musali baana bana bile ni bona, abulelala Natanaele kwa na i nzi, bwani neli bupaki kuli Na li yena Mesia, Mulimu, Emanuele, kakuli Nali yena Linzwi.

<sup>103</sup> Kona mo ne babezi baopeli. Bapolofita ne ba talimwa kuli ki balimu. Mwa utwisisa cwalo. Jesu nabulezi cwalo, Yena kasibili. Ali, “Mukona ku Ni nyanza cwani? Kanti, mubiza kamukana be Linzwi la Mulimu litile kubona, mu ba biza ‘balimu’. Mi cwale mu Ni nyaza cwani, ha Ni bulela kuli, ‘Na ni Mwana Mulimu’? Mi ha Ni sa ezi misebezi ya Ndate Luli, kipeto musike mwa lumela.”

<sup>104</sup> Na li yena Linzwi la Mulimu le li paezwi lusika lwani. Cwale kambe Na tile ni sisupo sa Mushe, ne li sike za beleka. Kambe Mushe na ka taha ni sisupo sa Nuwe, ne li si ka polofitelwa lizazi lani.

<sup>105</sup> Mi ni baluti ba linzwi bani kaufela, ni lituto za bulapeli, ni likolo, ni bakutazi baba itutile; ili lika zende mane, haluna ze lulwanisa ka zona, kono leo ha ki Liñusa la nako yateni. Lani neli la lizazi la mbundu lani.

<sup>106</sup> “Ku kaba Liseli mwa nako ya manzibwana.” U sepi size lika zee. Ni li balile kukuta kutela, mwa Linzwi. Ona cwalo fela mo ne kuinezi linako zani, A bulela kuli kukaba cwalo hape. Na kona ku li tamahanya ka Liñolo kaufela mwa Bibele, ni ku mi bonisa kuli ki yona Niti.

<sup>107</sup> Cwale, buipuleli bwa Hae ne bu bonahalile Ha bulela za na ezize, Sarah, kwa mulaho wa Hae. Cwale amulemuhe, Na sepi size, kweli yetaha uka itwala, “kuya ka nako ya bupilo,” A bulela.

<sup>108</sup> Cwale mulemuhe, nzila ya Abrahama neli mufuta wa Peu ya silena cwale. Haiba mulemuha, Abrahama, sepi so neifilwe ku yena ni kwa bana ba mwa mulaho wa hae. Mi ni bana mwa mualho wa hae, pili, peu ya nama, mi kutaha Peu ya silena yeneli Kreste. Peu ya pili, yeneli ka foso, kwa taha Isaka; kono kusina foso, kwa taha Jesu, yena Peu ya Silena.

<sup>109</sup> Cwale seo, ka Mali, mwabona, lu piliswa ka Mali. “Mi kusina ku sulula mali, hakuna swalelo ya libi.”

<sup>110</sup> Mulemuhe, Jesu na si Mujuda. Jesu na si wa Macaba. Jesu na li Mulimu. Na si, Na si ke kuba Mujuda kamba wa Macaba. Mutualime, mali a muuna atisanga mata a mwa mali, ili yona kokwani ya bupilo. Kokwani i fumaneha mwa mali.

<sup>111</sup> Ni utwa mina sicaba kwanu, buñata bwa mina... Ne ni sweli kuzamaya kwa ni kwa zazi leliñwi, inge nitalima balimi balimina—bamina, mi muna ni likuhu. Cwale, kuhu yakona kubeela lii, nasikuku ya mushemi yakona kubeela lii; kono haiba neisika kopana ni mukombwe, haina ku ndondola. Ibo, yakona kubeela lii, kakuli lii li inzi mwa—mwa li...ku ya nasikuku. Kono, mwa mali, mane bupilo bu mwa mali.

<sup>112</sup> Kacwalo, kabakaleo, bupilo bwa Hae neli bupilo bo bu bupilwe, isiñi bobutahile ka muuna yomuñwi.

<sup>113</sup> Mi cwale lii ne si Maria, kakuli haiba lii neili Maria... Sina Baipanguli babañata mo ba lumelela, ni Katolika, ni yona, bali lii ïani neli Maria, cwale yena... nali lii la Maria, kona le li Mu eza kuba mutu. Batili, haiba bupilo bwa mali neli Mulimu, kona ni lii mo ne libezi Mulimu, kakuli Maria na si ka tisa lii lani mwateni... Mwa ziba, mwa utwisisa ze Ni bulela. Yena... Na si ka eza cwalo kusina maikuto. Kacwalo, ni—ni maikuto, fo he kipeto mutualusa kuli Mulimu ueza sikamañi he? Abe ni foso hape. Mwabona?

<sup>114</sup> Kacwalo bubeli bwa lii ni mali nelili Mulimu. Amen. Zeo ki... Mulumele cwalo, mi mukaba ni tumelo ya kuzwelapili. Ha lu piliswi ka mali a Sijuda, kamba ka mali a Bamacaba. Lu piliswa ka Mali a Mulimu, Yena kasibili, Mali a bupilwe a bupilo.

<sup>115</sup> Sina ha Ni bulezi, munge linyunywani ze hulile za nasikuku. Seli nako ya mbumbi. Ne ni sweli kulemuha zazi leliñwi, mo li nopelanga bucwaní ni ku yo panga liyaleto. Cwale yakona kufufela fahalimu fani ni kupanga siyaleto, ni kutaza siyaleto ka mai; ni kuina fateni, ni ku a bubamelá, ni ku babalela hahulu mai ani mane konji—konji iba ye otile kupalelwa kufufa fa siyaleto, kuli isele lico. Kono haiba haisika kopana ni nyunywani ya mukombwe, haina ku ndondola. Haana mununo. Mwa ziba cwalo. Aka inelela mwa siyaleto, ni kubola.

<sup>116</sup> Mi ki mo liinezi likeleke zeñwi za luna. Luna ni fela siyaleto se si tezi mai a bolile kihona. Habana tumelo ya Abrahama. Se li nako ya kukenisa siyaleto ni kukalisa sincá, kuba mwa swalisanó; isiñi ka kopano yeñwi, kopano yeñwi ya lituto za bukutazi. Kono kuba mwa swalisanó ni muuna, Kreste Jesu, Yena yatisa mununo kwa Moya wa Bupilo oli ku mina. Ki Yena yaeza kuli u Li lumele. Kenisa sitabelo ni kukalisa sincá hape. Mwa ba nata-nata fa mukokoto ni kubakenya mwahali, ku ba beya fa budikoni, kono inge ba nyezi hane kamba ha ketalizoho, ni zeñwi kaufela. Ki lifasi la mufuta mañi le lupila ku lona kanti? Ku ba luma kwa likolo za bulapeli ni kukenya mulyani wa ku omisa kubona, ni ku ba kutisa.

<sup>117</sup> Mi kwanu zazi leliñwi, ka kuakaleza, ne ku bonisa kuli nainte-naini pesenti ka bakutazi ba Baipanguli mwahala naha kaufela, ha ba lumeli mwa Kutaha kwa Bubeli kwa Kreste ka mibili. Eite-sebene pesenti ba latula kupepwa kwa bwalanjo. Munahane ka zeo. Kana bana baluna ba ka fita ku zecwani kwapili?

<sup>118</sup> Mulimu, lu kutiseze kwa Tumelo hape yekile yafiwa hañwi kwa balumeli.

<sup>119</sup> Abrahama, abona nzila ya hae hana taha cwalo, aswanisia handende ni keleke. Kaufela za na ezize Abrahama, lina... Lu iboni keleke. Kambe luna ni biki mukatumbi kamba zepeli mo, za kuba mo, Ne ni ka mi bonisa, muhato ni muhato. Keleke iezize ka nzila yeswana. Sisupo sa mafelelezo neli Mulimu, Linzwi le li sepisizwe inge liambola ku yena, mwa nama ya butu. Sepiso ya mafelelezo lifasi la Bamacaba li si ka sinyiwa kale, yeneli Sodoma ni Gomora. Cwale munahane, Abrahama, kale, nabile... Mulimu na bonahalile ku yena ka mifuta yemiñata, ni maseli, ni mikwa, ni ka lisupo, kono Mulimu na si ka taha kale ku yena mwa sibupeho sa mutu ni kubulela ka linzwi le li utwahala, inge mutu fela, kutaha ka mutu. Mi, muhupule, sepiso seili bukaufi fela ni kutalelezwa, Sodoma ika cisiwa cwale, liñusa la mafelelezo litile.

<sup>120</sup> Mi ki yeo keleke yeiketile ya zamaya, keleke ya kopano, ni taluse. Ki yani, ki yani Billy Graham wa kacenu wa zamaya kulo kwani, ku yo ba nyunga.

<sup>121</sup> Ki yani Keleke ye Ketilwe, haiyo mwa Sodoma; i bizeлизве kwande, ikauhani. Ba amuhezi mulumiwa. Mulemuhe, sikwata sa Abrahama ne si amuhezi Liñusa. Mi cwale neli sikamañi sani? Mulimu, yana sweli kuambola ku yena nako ye kaufela, ka lisupo ni ka mifuta, ni lika zeñwi, za taha hande ona cwalo. Mi cwale U iponahaza ili Yena fapila luna mwa nama ya butu, ni kulemuha milelo ya pilu ya Sara, kwa mulaho wa Hae. Mi Abrahama ali, "Ki Elohim, ki Yena Yamata-Kaufela." Muhupule, kapili fela mwa mulaho wa fani, Sodoma ya cisiwa. Munahane ka zona.

<sup>122</sup> Keleke i lukela kubamuhela sisupo sa yona sa mafelelezo. Mwabona, lubile... Mu huwile, mubile ni kuluka ka Luther; kukeniswa ka Wesley, nako yende hakalo, kuhuwa, kunyakalala; kubulela ka malimi, kutolokwa kwa malimi, folifo ya Bumulimu. Kono lu kai cwale? Mulimu inza bulela hande mwahala luna, ka luna, ka linzwi leli utwahala, inge fela mwa Na ezelize kwani. Mi Na sepisize ona cwalo. Yeo kona taba. Ha ki lika ze luikezelize. Bibele ibulezi cwalo. Jesu nabulezi kuli Uka peta cwalo, Aitibahaze isali yena hape.

<sup>123</sup> Mulemuhe, mi kapili kasamulaho wa fa, Abrahama a kupela kwatereni Lota. Mi ki Ha li haiba Ukona kufumana fela neba batu baba lishumi, Na si ke kuba bulaya. Kono Na si ka fumana neba bao, balumiwa bene bali kulo kwani. Ne ba hanile balumiwa.

<sup>124</sup> Inge mukushuko wa Billy Graham, hanali mwa muleneñi wa luna, mwa Louisville, Kentucky. Nenili teni kwa mukushuko wa hae. Ki hali, "Ni ya mwa muleneñi," a bulela, "Na . . ." A nanula Bibele mwahalimu. Ki mulumeli yomutuna wa Bibele. Ki hali, "Ni ya mwa muleneñi mi Ni na ni—ni sikundi sa mukopano, Niba ni babaeza likiti ze mashumi amalalu baba bakile." Mi ali, "Kono ha Ni yo kuta, likweli ze silezi kuzwa foo, Ha ni sa fumana neba baba mashumi amalalu." Mi ki hali, "Paulusi na kena mwa muleneñi ni kufetula alimuñwi, mi ha yo kuta, kasamulaho wa mwaha, alimuñwi yani u fetuzi babañwi, babanca kualulwa ka buñata bwa babanca baba fetuhile, konji mane haaba ni mianda anda ya baba fetuhile ka alimuñwi." Ki hali, "Cwale ki butata mañi?" Yena ali, "Mina sikuwata sa bakutazi baba londile." Ki hali, "Muina inge muhatile mahutu a mina fa sipula, mi ha mu zweli kwande ku yo potela sicaba sani."

<sup>125</sup> Cwale ki Na mañi, mutu fela yasina tuto yacwale ka na, kuli ni kananise mubuleli yomutuna? Kono Ne ni ka tabela kubulela linzwi ku yena. "Billy, ki mukutazi mañi yana amuhanga balumeli ba Paulusi." Mwabona?

<sup>126</sup> Ne li bakeñisa Paulusi yana mungile mwa butungi nyana, kuli Kreste ataha kuyena mi nali Mulilo opila, kutaha cwalo kushetumuka kwa Kubateni kokupila. Isiñi muzamao omuñwi wa zibo yeipitezi, kamba muikopanyi yomoñwi, kamba ku ñola pampili yeñwi, kamba kuitama kuli atahe kwa keleke. Ku muissa kwa kolobezo ya Moya o Kenile, mi kipeto uka—uka ba fa Mulilo, uka pepa bana. Mukona kueza cwani haiba haana lupepo? Hakoni kuba ni bana konji haiba una ni Bupilo yena kasibili. Mi yeo kona nzila fela sika kaufela mosikona kuitahisa ili sona, ki ka kokwani ya bupilo. Mi kokwani ya bupilo ki Moya o Kenile onoli ku Kreste, mi uinzi ku mulumeli.

<sup>127</sup> Cwale amulemuhe, sisupo sa mafelelezo sa Mulimu ku Abrahama, se si iponahaza, neli Mulimu, ili Linzwi. Muhipule, Mulimu Linzwi le li sepisizwe lene li sepisizwe ku yena nako ye kaufela, la ambola ku yena mwa mubili wa nama. Muuna inza yemi fani, ni kubulela ku yena, inza lemuha milelo yeneli mwa pilu ya Sarah; ni yena, kwa mulaho wa Hae, mwa tende. Sani neli sisupo sa mafelelezo. Mulemuhe cwale. Nana ni kale asika bonahala kale ku yena, mwa mifuta yemiñata, ni zeñwi cwalo, maseli a cwalo, ni—ni mulilo, ni zeñwi cwalo, abonahala ku yena, kono cwale amulemuhe. Mi kapili . . .

<sup>128</sup> Ni bata kuli mulemuhe sene si ezahalile kwa lapa la macembele bani. Cwale Ni sepa kuli ha mu ni talimi kuba yasa sepahali. Mi—mi haiba ha mu lumeli se, musi tuhele fela, kipeto, mwabona. Kono Ni bata fela ku mi bulelala se Ni nahana kuli kona sene si ezahalile.

<sup>129</sup> Kana mulemuhe cwale, kana Sarah ukaba cwani ni mbututu yoo? Cwale una ni mwaha ye mwanda ya kupepwia.

Cwale yomuñwi uli, “Kihande, ne ku shutana ka nako yani.” Bibele ibulezi kuli mba ya hae ne se ishwile, mi Bibele ibulezi kuli nebali basupali luli mwa myaha.

<sup>130</sup> Kono U sweli kueza ku Sarah ni Abrahama, bataha cwalo mwa nzila yeo, inge fela mwa Na sepiselize kueza kwa Peu ya bona. Mi U li ezize! Na kona kubonisa cwalo, ka kuswana fela ni mihat yana ile ka yona Abrahama. Cwale mutualime fa inzi cwale nako ya taha Mulimu ku to ambola ku yena, mwa mubili wa butu, Aitibahaza ku yena. Kapili cwale . . .

<sup>131</sup> Kana Sarah ukaba cwani ni mbututu yoo? Cwale Abrahama na sa pilile ni yena, mi mwendi neli . . . Ibulezi kuli, “Mubili wa hae no swana fela sina o shwile.” Bibele ibulezi kuli neli cwalo. “Mubili wa hae no so shwile. Mba ya Sarah ne se i shwile. Kono na si ka sitatala. Ibo, na sweli kulumela.” Cwale amutalime, haiba Sarah . . .

<sup>132</sup> Ni inzi mwa sikhata se si kopani kopani, mu ni swalele, likezeli. Mi muka teezea ku dokota wa mina; mi Na ni muzwale wa mina. Kono cwale amulemuhe. Sarah, ka myaha ye nainte ya kupepwa, sa supezi hahulu kuli aye mwa lipepelo. Pilu yani neisike ya itiisa. Mwa ziba cwalo. Mi nto yeñwi, misinga ya hae ya mabisi ne se i omelezi. Nebasina mabotela a mabisi ni lipatela mwa mazazi ani. Mwabona, na lukela kuba me ya bunolo. Mulemuhe. Cwale Uka li eza cwani? Musali ukaba cwani ni mbututu yo? Mba ya hae ne i shwile. U shwile mwa mubili wa hae, yena kasibili, ni Abrahama na shwile ni yena.

<sup>133</sup> Mwa ziba sa Na ezize? A ba cinca. A ba fetula kuba mucaha ni musizana yomunyinyani. Na kona kubonisa seo. Na ba ezize mucaha ni musizana yomunyinyani, aba kutisa kwa bwanana hape. Oh, ha ki sepiso kwa bunde ni yeo!

Mu li, “Oh, Muzwale Branham!”

<sup>134</sup> Kihande, libelela fela fa muzuzu. Musike . . . Amu libelele fela. Se sakona ku filikanya hanyinyani feela, ku ba milao, kono Ni—Ni bata kuli mubone se cwale fa muzuzu fela. Cwale lusweli fela kuluta sina tuto ya sikolo sa la Sunda fa taba yee. Na ba kutisize kwa mucaha ni musizana hape, mwendi ba lilimo ze mashumi amabeli akupepwa.

<sup>135</sup> Abrahama, cwale amutalime, u supezi. Mahaha a hae inza lepelela fwakaa. Mubili wa hae usana fela inge ya shwile. Mazoho a hae amasisani, ni litalo leli lepelela. Sarah, mulepo nyana ubeilwe fa liheta la hae ni taulo nyana kwa toho, mucembele yo mukuswani inza tangatanga fa mulamu.

<sup>136</sup> Ni bona kuli habusa lelitatama. Kiñi, Abrahama ni litunda tuna mwa mukokoto wa hae, milili ya limbi twaaa inge i lepelela. Mi Sarah ali, “Abrahama, mulatiwa, kiñi, mulelo wa—wa hao seli o munsu.” “Kiñi, Sarah, meto amande ani sa benya sina sapili mwa na benyezanga. Malama a hao ana ni mamboke ku ona.” Lizazi li si ka likela kale busihu bo butatama, musali na

sa kutezi kale kuba musizana wa mwanana, mi ni muuna ne seli mucaha ya tiile.

Mu li, “Bukuba, Muzwale Branham!”

<sup>137</sup> Oh, eeni, neli cwalo, hape. Mubone cwale sepiso yende ni mufuta wa Peu ya silena ya Abrahama, kapili ye ne taha. Muhupule, kana ki sepiso? Eeni, lu ka cinciwa. Ne ba cincizwe kukutela kwa bwanana mucaha ni musizana wa mwanana, kubonisa fela ona cwalo Keleke, Peu ya silena, mo i ka evezwa.

Mu li, “Kana yeo ki sepiso?”

<sup>138</sup> Matesalonika Bapili 4:17, “Tolombita ya Mulimu ika utwahala, mi lu ka cinciwa mwa nako fela, ka ku kobya fela kwa liito, lu ngelwe mwa halimu hamoho.” Kiñi? Mubili wa hae, mibili ya bona, neina ni ku cincwa kuli ba amuhele mwana. Mi mibili ya luna, yeshwa ika tokwa ku cinciwa, kuli i amuhele Mwana, kakuli lu ka ngelwa mwahalimu. Lu ka swanela kuba mwa mubili o shutana ku woo, kakuli luka ngelwa mwa mbyumbyulu, ku yo Mu katanyeza. Amen. Halina ku-... Kuzamaeleta fela ni Mañolo, mwa bona. Ne ba cincizwe. Haiba lukopana ni Mulena mwa mbyumbyulu, halukoni ku Mu katanyeza mwa mubili wa mufuta woo, kakuli lu ba lifasi. Kono lu ka amuhela usili, haleluya, o ka pahama mwa Kuungelwa.

<sup>139</sup> Mi siemba sesinde sateni, ki kuli isutelezi hahulu fakaufi. Lu bona lisupo kaufela linzi hande ka swanelo. Hakusana kunga nako yetelele cwale, leliñwi la kakusasana kukaba cincheho. Mwabona?

<sup>140</sup> Kono, muhupule, i ka taha fela kwa Peu ya silena yani kipeto. Kutaha kwa Jesu kukaba kwa kunutu hahulu, babañwi ba sicaba hakuna se ba ka ziba ka zona. Kana mwa ziba, hakuna kuba babañata hahulu mane. “Sina mo ne ku inezí mwa mazazi a Nuwe, koo mioya ye ketalizoho ka yemilalu feela kona yene pilisizwe kwa mezi, kona mo ku kabela ni ha taha Mwana mutu.” “Munyako wa kumbana ni nzila ki yesisaní, mi ki basikai feela baba i fumana.” Mu bulela kuli ku kaba ma milioni mwateni; eehe, mwahala masika kaufela, baba liuluzwi, kiniti. Kono, sibaka sa Kuungelwa sani, fo luyemi cwale!

<sup>141</sup> Ki sikamañi se si ka ezahala leliñwi la mazazi aa? Ba ka bulela kuli, “Cwale, mwa ziba, ki luna ba fa mwa nako ya Nyandiso ya balumeli. Ne ni nahana kuli Keleke ne i lukela ku ngelwa kusika taha kale Nyandiso ya balumeli.” Yeo kona Niti. Isiñi keleke; ki Munyaliwa. Keleke yona yakena mwa nako nya Nyandiso, kono isiñi Munyaliwa. Batili, sha. Yena u liuluzwi. Haana za lukela kukeniswa ka zona. Yena u kenile kale. Moya o Kenile utile ku Yena mi u Mu kenisize, ni kuzwisa masila kaufela ni kutokomela hahulu za lifasi, mi U lumela Linzwi lani ni kuba siemba sa Lona. Yeo ki niti. Kusina Moya o Kenile, hakuna za eza. Ki Munyaliwa ya zwile mwa keleke. Mi foo, yena, u bizwa

kuli “bo masiyaleti ba peu ya musali,” kona babaka fitra mwa nako ya Nyandiso bao.

<sup>142</sup> Mwa ziba, nako yeñwi kasamulaho Mañolo kaufela, Isaya, Malaki 3, ni Isaya 40, apolofitile sa kutaha kwa Joani Mukolobezi. Joani ataha ona cwalo fela sina Mañolo mwa na bulelezi. Mane neba balutiwa ba taha ku Jesu mi bali, “Kiñi Bañoli ba ha bulela, ni Mañolo, ali Eliasi una ni kutaha pili?”

<sup>143</sup> Ki hali, “U sa tile kale, mi ha mu si ka lemuha. U sa tile kale, mi ba ezize ku yena ze ne ba lukela kueza, mi ha mu ziba mu lemuha.”

<sup>144</sup> Cwale, leo likona kuba leliñwi la mazazi aa, mukona kubulela kuli, “Kucwani ka Kuungelwa?”

<sup>145</sup> “I ezahalile kale, mi ha mu si ka zila.” “Ku kaba bababeli mwa mumbeta; alimuñwi uka ngiwa, yomuñwi asiiwe.” Mwa ziba, kuna ni batu baba likana mianda anda cwalo baba tondahala mwa lifasi, zazi ni zazi, ni hakuli cwalo, mwa ziba. Haba koni ku ziba ko baya.

<sup>146</sup> Mi munahane fela ka zona, maswabi, batu ba ka zwelapili kukutaza, ni kulumela kuli basweli kupiliswa.

<sup>147</sup> Mi Nuwe akena mwa areka, ni sikwalo sa kwalwa kwa mulaho wa hae, ka lizoho la Mulimu. Lizazi la pazula, ni kulikela, mazazi a supile ku si ka ezahala kale sika. Mi sicaba sa zwelapili kukutaza, kuzwelapili kueza lisheha, ni zeñwi kaufela, kusina kuziba kuli sishemo sa bona fela sene ba nani ne si kwalilwe ku bona.

<sup>148</sup> Munahane, bakutazi ba ka zwelapili kuluta bakutazi ni ku ba luma, ni lika ze cwalo zesweli kuezahala ona fa cwale, ki keleke fela yesweli kuzamaya; mi kufelelea kusina sishemo, kusina sika kaufela, ba ka zuswa kwateni kufelelela; Kuungelwa ku ezahalile. “Yasika luka azwelepili mwa ku sa luka,” Mañolo abulela cwalo. “Itile kale mi ha mu si ka lemuha.” Munahane ka zeo, busihu boo, balikani, mi mutualime ze ezahala.

<sup>149</sup> Hakuna sika mwa lifasi sesikona ku mi omibaomba cwale kwanda Linzwi la Mulimu. Mwabona? Hakusana sepo yeñwi hape; na ha ya henu, hakuna zeñwi.

<sup>150</sup> Lu ciwa ki likokwani kufeleleza. Mwa ziba cwalo. Swalisanse se i cile kaufela inge likokwani. I lukela kuba . . . Ina ni kuba ona cwalo. Hamuna ku li tuhelisa. Bibele ibulela kuli ku kaba ona cwalo, kona kuli hamuna ku li paleliswa. Kufelile.

Ha muitukiseze Kuungelwa. Kona nto fela ya kueza.

<sup>151</sup> Matesalonika, ba—ba Matesalonika Bapili 4:17 ibulela kuli, “Lu ka cinciwá,” sina Abrahama mwa na bezi, “ni kungelwa mwa malu,” ka mibili o shutana. Cwale, Abrahama, mibili ya bona ya kale neina ni kucinciwa. Kona ni yaluna mo ika cincezwa, kutaleleza sepiso. Lu ka cinciwá. Cwale, mu li, mibili ya kale yee. Ni bata ku . . .

<sup>152</sup> Ne ni sweli kuambola kwa Kiwanis, kwanu nako yeñwi ya kale. Mi ni—mi ni dokota ataha, kasamulaho, mi ki hali, “Bo. Banhama,” ali, “Na itumela ka ngambolo ya hao, kono,” ali, “mwa ziba, Ha ni koni kulumela kuli—kuli—kuli, sika kaufela, konji haiba si bonahazwa ka sayansi, ka za kupepwa kwa bwalanjo kwani ni lika ze cwalo, ni ka za kuba Mulimu.”

<sup>153</sup> Se nili, “Kihande, hauna ku Mu lumela, kakuli haukonu kubonisa Mulimu ka sayansi. U lukela ku Mu lumela ka tumelo, ka tumelo.”

Ki hali, “Kihande, Ha ni lumeli sika kaufela se si sina sayansi.”

Se nili, “Kana u muuna ya nyezi?”

Ki hali, “Eeni, sha.”

Se nili, “Wa lata musala hao nji?”

Ki hali, “Na mulata luli.”

<sup>154</sup> Se nili, “Ka sayansi ni bonise lilato mo liinezi kanti. Ni bata kuleka siemba sa lona, haiba wakona ni bulelele benkele ye li lekisa. Na li tokwa luli.” Se nili, “Ni . . .” Mwabona, ki nto yebunolo fela.

<sup>155</sup> Se nili, “Ni ka kubuza puzo. Cwale, fa, kana lu bupilwe kwa liluli la lifasi nji?”

Ki hali, “Eeni, sha.”

<sup>156</sup> Se nili, “Lu amuhela liluli leo ka kuca lico ze zwelela kwa liluli, mi ki bupilo bwa limela, ni zeñwi cwalo.”

<sup>157</sup> Mwa bona, mukona kupila feela ka sika se si shwile. Mwabona? Haiba mu pila, kuna ni se si lukela kushwa kuli mina mupile, ka butu. Haiba mu ca makwili, na shwile. Haiba muca nama ya komu, komu i shwile. Haiba muca nama ya kulube, kulube i shwile. Haiba muca miloho, i shwile. Ki mufuta wa bupilo. Mi mupila fela, ka nama, ka—ka lika zeñwi ze shwile. Liki ze shwile! Cwale zeo ha li yemeli minahano, mulikani, kuli ukona fela kupila Kuyakuile ka sika sesiñwi se si ku shwezi? Kreste na shwile, eehe, azuha hape, ku to bonisa Bulimu bwa Hae. Mulemuhe cwale.

<sup>158</sup> Se nili, “Dokota, haiba Ni ca lico he, nako kaufela ye Ni ca lico, li ya mwa mubili wa ka mi lipanga ma selu a mali.”

Ki hali, “Yani ki niti.”

“Kona kuli nako kaufela ha Ni ca, Ni ncafaza bupilo bwaka.”

Ki hali, “Yeo ki kini, maselu amanca a mali.”

<sup>159</sup> Se nili, “Ni bata ku kubuza nto yeñwi hape. Ha ne Nili wa myaha ye sikisitini ya kupepwa, Ne ni ca mbonyi ni manawa ni makwili ni nama, inge fela mo Ni sa celanga ni cwale. Mi nako kaufela hane Ni ca, Ne ni nze ni hula ni kutiya. Mi cwale ha Ni

kwanisa myaha ye mashumi amabeli ni yemibeli ya kupepwa, mutu ufi kaufela, hakuna taba kamba uca zeñata cwani, zende zo kana ucanga, ukana usupala ni kufokola. Cwale, haiba Ni sulula mezi mwa komoki *ye*, kusela ku *ye*, mi Ni sela mwateni licika; mi kipeto Ni zwelapili fela kusela, kasamulaho ifitelela fahali; mi kufita kuli atahé fahalimu, aya mwatasí. Ka sayansi ni bonise kuli zeo li ezahala cwani. Mwabona? Ku cwani kuli Ni ca lico zeswana, za kuncaafaza bupilo bwaka zazi ni zazi, kuya ka . . . Kubonisa kuli, ka sayansi kupaka kuli Na ncaafaza bupilo bwaka ha Ni kenya maselu amanca a mali mwa mubili, ki mali aswana ene Ni banga ni ona hane Ni li wa lilimo ze sikisitini za kupepwa. Kono kiñi hakuli cwalo, kasamulaho Ni ba mwendi wa mashumi amabeli ni amañwi, kipeto hakusana hakuna taba kamba Ni ce zewani, Ni ya ni shetumuka, niya ni supala ni kusupala ni kusupala, ni kuobama ka nako kaufela? Kufita kuli li ni taze, sina mo ne li ezeza linako zani, cwale se li ni tulukisa fasasi.” Ki tumelelano. Kona seo ili sona.

<sup>160</sup> Kono Mulimu u ezize siswaniso, mi Akunga inge unani fela myaha ye mashumi amabeli cwalo a kupepwa, kambe hakuna sene si lyanganisize inge mushimani wa sihole ya inzi fa yoo. Kuswana fela sina—sina lutaka lwa mbonyi mo lutahela, ni sesiñwi sibe fahalimu ni kuihulisa ye sikami; haiba mukona kushenyisa nto yani yeiezisa cwalo, lutaka luka otoloha hape. Ina ni kuotoloha. Kufelile. Mulemuhe, haiba hakuna se si itibela, kifohe cwale, kalibe yomunyinyani yomunde, mucaha yomunyinyani yomunde. Wena ni muuna hao muyemi hamoho, Adama ni Eva wa kacenu kuzwa kwa simuluho. Mulimu naize, “Ki bani fani. Cwale lifu ba—ba matise. Wakona ku kala kuba nga, kono haukoní ku banga ka kutala konji ha Ni biza.” Cwale ki sikamañi seo? Ki siswaniso sisili. Oh, mawi! Mwabona?

<sup>161</sup> Yeo ki niti luli sa Na ezize ku Sarah ni Abrahama. A zwisa fateni bucemebele bwa myaha. Busupali ki sisupo sa lifu. Mi hakuna kuba lisupo za lifu mwa Lihalimu. Mwabona, kupuzo ya lifu kaufela ika takulwa, mi hakuna kuba busupali. Mi kaufela lukaba banana. Ki siswaniso fela Mulimu sa swanisize mwa bunca bwa mina. Mi cwale Mulimu anga ni kuinisa Abrahama ni Sarah kukutela mwa myaha ya bunca yani hape, kacwalo ki bani fani.

<sup>162</sup> Mi bupaki bobuñwi bo Ni bata mi bonisa cwale. Hani—Hani . . . Ni ikuta kuli zeo ha likeni hande luli. Ni lukela fela ku . . . Ha mu lumeli cwalo. Kihande, halubone ni mibuze. Haluboneñi ni mibonise nto yeñwi. Haluboneñi ni mi bonise kuli neba eelize cwalo. Cwale amutalime.

<sup>163</sup> Mutualime kone bapila, fa mapá, fani Mulimu ha bonahala ku bona, kwani mwa Sodoma. Kapili fela kasamulaho wa sani ba nanuha musipili wa limaili ze mianda yemilalu kuya kwa Gerari. Wani ki musipili omutelele luli ku muuna muhulu ni musali muhulu. Ki yo fa muuna muhulu cwale, ni mahaha a hae

inza ali fwakaa, fa mulamu wa hae. Ki yo fa musali muhulu wa mucembele, mwa ziba, ni taulo kwa toho, inge a hoholola mahutu mwa mulaho wa hae, inge a zamaya mitambo yemikuswani ka mainci amane kamba aketalizoho hanza zamaya.

<sup>164</sup> Mi cwale, butata bwateni neli kuli, ha ba yo fita kwani kwa Gerari, nekuna ni Abimeleki, mulena yana bata musali yomunde hakalo. Mi basali babande bani kaufela bana nani kulo kwani, basizana ba Mafilisita; ha yo bona Sarah, a mulata ona foo, na bata ku mueza musala hae. Kana ku cwalo? [Kopano ili, "Amen."—Mu.] Ha-ha! Oh!

<sup>165</sup> Oh, muzwale, Bibele iswana fela liñolo la lilato. Una kubala mwahala mibamba, kubona se I talusa. Mulimu naize, "U li patezi meto a babutali ni ba ngana, mi u Li patululezi limbututu zekona kuituta."

<sup>166</sup> Ha Ni li kwande mwa masimu a linzwi, musala ka ha ni ñolela liñolo. Mi Na mu lata, ni yena wa ni lata. Mi musali ukali kuli, "Mulatiwa Bill, busihu boo Ni lobalize banana. Ni sebelize kacenu." Na bona sa sweli kubala, sa sweli kuñola. Kono, mwabona, Ni mu lata hahulu, Ni kona kubala mwahala mibamba. Na ziba za ambola. Ha lukeli ku ni bulelela. Na ziba, kakuli Na kona kubala mwahala mibamba.

<sup>167</sup> Kona mo kuinezi ni Mulimu, haiba u sa bali sina pampili ya mutende, mayemo amañwi a lituto fela za bulapeli, kono kokena mwa lilato ni Yena. Ubone kuli wa ba ni Yena mwa pilu ya hao, "lilato la Mulimu le li suluhezwi mwa lipilu za luna ka Moya o Kenile," kipeto lu bala Bibele mi uka I bona haitaha hande mwahala mibamba. Mwabona, wa ziba Sa bulela. Na si ka bulela seo mwa Linzwi. Jesu na lumbile Ndate kakuli Na "patezi litaba zeo kwa meto a babutali ni ba ngana." Cwale, hakuna mutu yakona kubala mañolo a musala ka cwalo, kakuli Ni mulata ka nzila yeo, mwabona, mi kona mwa ni ñolelanga. Cwalo kona Mulimu mwa mi ñolelanga ona. Ki mwahala mibamba, mwa I bala.

<sup>168</sup> Ki yo fa cwale, Sarah, luli, aya kwani. Munahane fela mucembele yomunyinyani, mwa ziba? Ni bona basizana babande bani kaufela kulo kwani mwa—mwa sikuwata sa Mafilisita, mwa na ha ya Gerari. Mi ki yo fa Abimeleki fani, kiyofa mulena ya bonahala hande wa mwanana, mi ubata kuizungela mulatiwa, kacwalo atalima kafa ni kafa. Ki babande, ni lika kaufela. Kono ubona mucembele wa musali yataha, mwa ziba, inza njanja luulu, ya ikalezwi, ataha cwalo, mi ali, "Yo ki yena yene Ni libelela. Yo ki yena!" Ali, "Oh!"

<sup>169</sup> Mi Abrahama ali, "Na ku lapela, Sarah, u ni bonise sishemo. U bonahala bunde ha u talimwa, mwa ziba." Ali, "Ha u ka fita kwani, ubulele kuli Ni—Ni muhulwana hao, mi Ni ka bulela kuli u kezela ka. Kakuli, haiba u sa ezi cwalo, baka ni bulaya ni kukunga wena."

<sup>170</sup> Mwabona, no sa luleli kuba ni basali bababeli ka linako zani, mwabona, kona kuli luna... Na sa lukeli kuba ni baana bababeli, nitaluse, ka nako yeswana. Leliñwi la mazazi aa, Ni ka kutaza fa taba yeo. Mi, mubulela ka *Peu Ya Noha* yetisa nto yeñwi, mulibelele kufitela yeo itaha. Sikamañi—sikamañi, cwale? Muhupule.

<sup>171</sup> Mi lufumana kuli hana boni zeo litaha, mucembele ya supezi cwalo, Abimeleki a mu lata, mi amunga kuli abe musala hae.

Munahane ka zeo. Mwabona kwa Na ba fetulezi? Luli, nana ni kuba cwalo.

<sup>172</sup> Bibele ye, liñolo la lilato, ki taba yasweli ku lu ñolela Mulimu. “U Li patezi meto a ba babutali ni ba ngana, mi Uka Li patululela kwa limbututu zekona kuituta.” kuipata...

<sup>173</sup> Na patile kutaha kwa Hae. Na patile Jesu kwa Bafarisi, bona baituti ba Mañolo bani. Haluna sika inge sa bona kacenu. Hakuna taba kamba nebali baituti baba cwani, neba si ka Mu lemuha. Na patilwe. Bibele ibulezi kuli Na li cwalo.

<sup>174</sup> Mi, mwa ziba, Bibele iize baituti ba linzwi ba lizazi lee ba ka patiwa ka mukwa o swana. “Baituti, babali bangana, ba balata minyaka kufita ku lata Mulimu, bahanyezi ba kozo, batamelezi ba buhata, baba sina buiswalo, ni balwanisi ba lika zende. Kuba ni...”

Mu li, “Bao ki ba swalisan.” Batili, batili.

<sup>175</sup> “Ba kaba ni mukwa wa bulumeli, kono ba latuzi Mata abona; ku baba cwalo musabe kwateni.” Mwabona? Yeo ki niti. “Bao kona ba mukwa o nanaalela mwa mandu, ni kuswala basali baba imezwi ki litakazo zeñata,” ni zeñwi cwalo. Mulemuhe.

<sup>176</sup> Cwale lufumana Abrahama kulo kwani. Mi Abimeleki ataha, ali, “Yo ki yena ye Ni libelezi linako zee kaufela, nako kaufela.” Kacwalo alaela bo nalutiyo ba hae kuto munga kuzwa fani, mi, oh, mwendi ba mu tapisa, ni ku mutinisa kubonahala sina mukwae cwalo. Mi busihu bwani...

<sup>177</sup> Ni bata kuli mulemuhe fa sishemo sa Mulimu ku mupolofita wa Hae. Se sa kona ku kama hanyinyani fela, kono ki Niti. Hakuna taba kamba Si bonahala cwani, mutualime ku se ibulezi Bibele.

<sup>178</sup> Cwale Ni bona Abimeleki, wa nahana, “Kamuso Ni ka inyalela musizana yomunde wa Muheberu yoo. Mi ulobezi mwa kashandifafasi fani cwale, mi bo nalutiyo baka basweli ba mutoza sende ni kulukisa milili yahae kubonahala hande, ni kulukisa fela lika kaufela.” Cwale munahane fela mucembele wa myaha ye nainte ya kupepwa akabiswe cwalo, kuli anyalwe ku mulena wa mwanana? Kacwalo lu fumana kuli, ha se ba tapisize musizana yomunde wa Muheberu yoo ku mutinisa, mi ni yena atapa ni—ni kulobala, mi aotolola mahutu a ahae, kasamulaho wa kupeta litapelo za hae, ni kulobala, ali, “Oh, mawi!”

<sup>179</sup> Cwale munahane Abrahama aeza makilikicani a cwalo, muuna ya na ka bulela manzwi a cwalo ku musala hae? Mubulele ka za lipyeha! Abrahama aeza cwalo. Mi ki yani uinzi fani cwale, kasamulaho wa kueza nto ye cwalo. Mulemuhe.

<sup>180</sup> Mi Abimeleki, busihu bwani Mulena abonahala ku yena, mwa tolo, mi ali, "U swana fela sina mutu ya shwile muuna tuwe." Ali, "U amuhile musala mutu."

<sup>181</sup> Ki hali, "Mulena, U ziba busepahali bwa pilu yaka." Ail, "Ni—Ni... U ni bulelezi kuli ki—ki kezela hae, mi ni muuna uni bulelezi kuli ki ki kezela hae."

<sup>182</sup> Ki hali, "Ni ziba busepahali bwa pilu ya hao, kona ha Ni ku bulukile kuli usike wa Ni foseza. Mwabona? Kono seo, muuna hae, ki mupolofita wa Ka." Mutualime sishemo sa Hae ku mupolofita wa Hae, ni ha nali mwa mafosisa. Mwabona? Ali, "Ki mupolofita wa Ka. Hanina kuutwa litapelo za hao. Kutisa musala hae, mi yenaaku lapelele. Haiba u sa ezi cwalo, naha ya hao i felile," mba kaufela ya kwaliwa. Munahane taba yeo. Kona sa Na bulezi ona seo luli. Mi Abimeleki neli muuna yomunde, mi na saba Mulimu. Eeni, sha.

<sup>183</sup> Kono mwabona sishemo sa Mulimu mo si evezanga? Fani nekuna ni mupolofita wa Hae fande fani, yana file musala hae kunyalwa ku muuna usili, neba inza libeleta mwana wa sepiro, ni lika ze cwalo, mi sishemo sa Mulimu si ina ni Linzwi lani hakuna taba kamba ki sikamañi. Yeo ki niti.

<sup>184</sup> "Muuna hae ki mupolofita wa Ka. Mi ha Nina kuutwa tapelo ya hao. Hakuna taba kamba ulukile cwani, ni yomunde cwani, kamba uya tafile cwani; haiba ha ku lapeleli, u muuna ya shwile." Kacwalo a mu nga ni ku kutiseza Sarah ku yena. Oh, mawi!

<sup>185</sup> Mi Isaka ataha. Cwale ka kukwala, kapili cwale Ni bata ku mi bonisa nto yeñwi. Isaka ataha mi cwale sepiro ya talelezwa.

<sup>186</sup> Cwale kasamulaho Isaka amana kutaha, mushimani yomunyinyani na sa fitile fa myaha yelishumi ni yemibeli, ni ze cwalo, Mulimu alika Abrahama habeli. Kasamulaho amano mu lika, ka lilimo ze mashumi amabeli ni zeketalizoho cwale, kona Aeza muliko wa bubeli. Cwale ki Ali, "Abrahama, Ni bata kuli unge yena mwana yo cwale, mwana hao tota, mi u muise fa lilundi le Ni ka ku bonisa mwa pono yee, mi Ni bata kuli u muise fani mi u mutaleke kuba sitabelo sa kucisa."

<sup>187</sup> Mi ki Hali nasina—nasika hana kueza cwalo. A nanuha fela, habusa kakusasana otatama Mulena ha sa ambozi ku yena, apahama fa limule ni kunga likota ni libyana, ni ku li swalelela, ni ku funduka ni limule. A zamaya mazazi a malalu, mi ayo fita fa sibaka, atalima fahule cwalo, kasamulaho wa kuzamaya mazazi a malalu. Cwale ki yo fa Abrahama, ni musipili wa mazazi a malalu. Mi linako zani mutu nasina mahutu a mafula a ku zamaisa sina mo lubezi ni ona kacenu, mi mutu fela wakona

kuzamaya limaili ze mashumi amabeli ka ketalizoho ka zazi. Mwabona? Ki kai kwa na ilofita, mwa mahalaupa ani?

<sup>188</sup> Mi ki hali, “Cwale amu libelele fa.” Na lata mukwa wa Abrahama woo. Ki ha bulelela batanga ba hae, ali, “Mu libelele fa ni limule, mi Na ni mwana ke lwa pahama lilundu ku yo lapela, mi lu ka kuta.”

<sup>189</sup> U ka eza cwani zeo, kanti na kambama ku yo mubulaya? Mulimu amu bulelela, kuli, “Kambama fahalimu mi umu bulaye.”

<sup>190</sup> Kono ki sikamañi se i bulela Bibele, mwa Maroma 4? “Abrahama na ziba kuli na amuhezi mwana sina yazwile kwa bafu, mi na kolwa luli kuli Mulimu nakona ku mu zusa kwa bafu, kuzwa kwa na mu filwe sina cwalo.” Mwabona?

Ali, “Mu libelele fa.”

<sup>191</sup> Mo li ka ezahalela, Ha ni koni ku mi bulelela. Wakona kunahana cwalo kezeli ni mbututut mwa mazoho a hao, ni bomuhe bainzi mwa sipula sa mawili, mushimani yomunyinyani fani, fa kuinzi ndate? Ha ni zibi Mwa ka liezeza. Ha ni zibi fela Mwa ka li ezeza. Kono Uka li eza kakuli U sepisize kuli Uka eza, kuya ka mayemo a kulumela kwa hao. Wa liezanga ni kubabañwi. Mwabona?

<sup>192</sup> “Mushimani yo ni Na, mutangana ni Na, luka kuta. Mwabona, mina mu libelele fa, mi lu yo lapela.”

<sup>193</sup> Mi abeya likota ku Isaka yomunyinyani, mufuta wa Kreste ya lwezi sifapahano sa Hae. Aya fa ngo ya lilundu. Mi Isaka yomunyinyani akala ku buza, mi ki hali, “Ndate?”

Yena ali, “Ki Na yo, mwana ke.”

<sup>194</sup> Ki hali, “Kiñi, ki ye aletare, ki wo fa mulilo, ki ze likota, kono ika ngunyana ya sitabelo?”

<sup>195</sup> Amuteeleze kwa manzwi aa cwale azwa mwa milomo ya Abrahama. “Mwana ke, Mulimu uka iponela ngunyana ili Yena ya sitabelo.” Seo sitalusa kuli, “Ki sitabelo sa iponezi Mulimu,” *Jehova-Jaire*. Ngunyana ya iponezi Mulena.

<sup>196</sup> Mi hanasa mutamile kwa mazoho ni kumu lobaza fa—fa aletare, munahane fela kuli neli nako yecwani yeo cwale. Kasamulaho wa ku mu libelela myaha ye mashumi amabeli ni yeketalizoho, mi Mulimu amu eza cwalo, ka kubulaya nto luli yo no paka za yona hala myaha ye kaufela. Na li lisomo mwahala sicaba, ba mu seha. Mi fa Mulimu uli, “Bulaya nto luli ye ka kufa sepo fela yonani, kuli Linzwi la Ka li ka talelezwa ku wena. Ni kufa mushimani. Una ni myaha ye twelufu ya kupepwia. Kaufela bona ba mu lemuhibile, niteni ni ku ezize ndate wa macaba, kono zamaya u yo bulaya mushimani wa hao.” Munahane fela zeo?

<sup>197</sup> Mulimu wa lubonisa fela. Hakuna taba za bulela mutu, kamba sika kaufela se si shutaha kwa Linzwi lani, muhane ku si talima. Peu ya Luli ya Abrahama ya lumela Seo.

“Bulaya mwana hao.”

<sup>198</sup> Mi Abrahama amu lobalaza fani. Mwakona kunahana fela, u kutisa milili ya hae yetatani kwamulaho wa sifateho. Mi meto a hae amanyinyani amafubelu inza talimile mwahalimu *cwalo*, ni milomo ya hae yenyinyani inge injanja. Abona tipa-tuna yani ye shengile haizwa ku ndatahe... Munahane ndate ya cwalo. Alobaza toho ya hae yelikani kwa mulaho, mi aotolola mumizo wa hae kwa mulaho kuli atabe hande fa kalakato ni sitipa sa hae se. Oh, ka kuutwela Mulimu! Hakuna taba kamba ne kubonaha cwani, abulela kuli, “Ni filwe sina yazwile kwa bafu. Mulimu wakona ku mu zusa.” Ananula tipa ya hae ni kukalisa.

<sup>199</sup> Mi Moya o Kenile wa swala lizoho la hae, wali, “Abrahama, Abrahama!”

Mi ali, “Ki Na yo faa.”

<sup>200</sup> Ki hali, “Wisa lizoho la hao.” Ali, “Ni ziba kuli wa Ni lata ni kuli u Ni sepile cwale, ka kubona kuli mane hausika... U Ni file mwana hao luli.”

<sup>201</sup> Mi ka yona nako yani, nekuna ni totolo yeswasizwe kwa manaka, mwa lihalaupa, kwa mulaho wa hae.

<sup>202</sup> Ni bata ku mi muza nto yeñwi, muzwale, kezeli. Kanti neizwa kai totolo yani? Mutualime, muinzi kwa mulaho kwani, musipili wa mazazi amalalu kuzwa kwa zwelopili, mwa lihalaupa, ko kuna ni litau, maakanyani, ni mifuta kaufela ya linja za mwa naheñi, ni lika zeñwi ze ne ka bulaya totolo yani ona fani kapili. Mi, mutualime, nali fahalimu luli a lilundu fokusina mezi. Mi na sa nopile macwe analiteni fa sibaka sani, hana panga aletare yee, mi totolo neisiyo teñi. Kono cwale Mulimu hana tokwile iliñwi, ki yani yabateñi. Mi ne si pono. A itaba ni mali a zwa ku yona. Ya shwa. Mulimu na ibizize mane yabateni ka ona muzuzu woo, mi Abrahama ainga kuizwisa mwa bupilo ka muzuzu otatama. Mwabona? *Jehova-Jaire*, “Mulena uka Iponela ngunyana.”

<sup>203</sup> Ne ku sa konahali kuli totolo ibetení kwani. Haiba kuna ni yaziba ka za lingu mwa mushitu, mwa lihalaupa le li cwalo lani, kulo mwani koo lifolofolo za naheñi kaufela ni lihahabe kulo kwani nelika bulaya totolo yani kapili cwalel. Ne isike yapila kulo kwani. Mi fa, fahalimwa ngo ya lilundu fo kusina mezi, kutokwa nihaiba bucwaní kamba sika kaufela fahalimu fani, kono neisiyo fani mizuzu yelikani mwa mulaho nyana. Mi ka nako feela yeo Mulimu natokwa totolo yani, ki yani yabateni; Aibulela mane yabateni.

<sup>204</sup> Inge fela mwa Na bonahalezi kulo kwani. Elohim, Na tokwa mubili, Na tokwa mubili kuli atahe mwa lifasi, kacwalo Akubukanya liseli la cosmic ni ma petroliamu, ni zeñwi cwalo, ni kukena ku ona. Mwabona, Yena ki Mulimu.

<sup>205</sup> Kona Mwa ka ezeza ku mina, kasamulaho mushwa kuba fela sina mufuse otala fa luswana mwa mubu. Uka bulela ni cwalo, mi ukaba teni. Uka biza libizo la hao, mi uka alaba. Peu ya Abrahama, ha ki . . . sepiaso yani italelelizwe.

<sup>206</sup> Mulemuhe, neli totolo. Cwale haiba muna ni fela muzuzu hape, Ni tabela kutatulula taba ye. Mwa ziba, busihu bobuñwi Ne ni isiile fela. Ha ni si ka itatulula mane kwa keleke yaka. Muhupule ha Na pakile sitabelo sani, apaka bulikani bwani ku yena; anga puli ya sitole, anga komu ya sitole (namani ya sitole), ni ku pazula fahali kueza liemba zepeli, ni kunga totolo. Cwale, muhupule, Peu ya silena ya tumelo ya tumelo ya Hae, muhupule, ne si ya sitole, ne si ya Yena. Ne li ya Yena, sepiaso i talelelizwe. Mulemuhe, totolo, ya poho; Yena, kuli ikopane ni Linzwi. Ki Yena Linzwi, yona Totolo yani, isiñi ya sitole. Ne li filwe pilis, muhupule, Genese 15, za litole; neli zona ze ne beiwafafasi; kona anga totolo. Totolo neli ya mafelelezo. Yamuuna, Totolo, Linzwi le li tisizwe; isiñi puli ya musali, ili kopano, yona keleke. Mwabona? Isiñi ya musali, ili keleke; kono ya Muuna, ili Totolo. Amen. Ki kabakaleo ha Na pepilwe ka kweli ya Lungu.

<sup>207</sup> Isiñi ka Ñulule sina ba keleke ya Roma mo ba li bulelela, kupuzo ya kupepwa kwa mwana wa lizazi, ni kulibeya hamoho ni la Hae, fapata fani la twenti-faifi Ñulule, mikiti yabona hane iezahala, haiba una ni kunga za—za . . . kubalisisa litaba za kale za keleke. Mi muka utwisia kuli neba likashelize fapata fani, kuli eza . . . Neli kupuzo ya kupepwa kwa mwana wa lizazi, lizazi tenyene, hane li yemanga nonga. Hakubangi cinceho ku lona ka mazazi aketalizoho, kuzwa ka Ñulule la twenti kuisa la twenti-faifi. Ba beya Mwana Mulimu ni kupepwa kwa lizazi ka nako yeswana, kukopanya ka kukeshebisa Bukreste ni buhedeni, ba lieza kuba Ñulule. Na sa lukeli kupepwa la twenti-faifi Ñulule, kiñi, kuna ni mbundu kulo kwani mwa Judea.

<sup>208</sup> Na pepilwe sina lingunyana kaufela ha li pepwanga. Na pepilwe ka nako ya mbumbi. Mi Nana ni kupepelwa mwahala litotolo, kakuli Na li Totolo ni yena, mi totolo neli ka kweli ya Lungu. Kiniti. Na pepezwi mwataso totolo yani. Sani kona sa Nali sona. Na li Totolo ya Mulimu. Yani neli Yena kulo kwani yana ngile sibaka sa Isaka. Amen. Kikuli ha muboni nji?

<sup>209</sup> Ki zeo foo, li bonisizwe faa handende, Munyaliwa wa Peu ya silena haana kubizwa ki musalli, keleke, sitabelo sa puli ya musali ya kopano. Batili. Kono ka Yena, Linzwi la Totolo leli bonahalile, kakuli Yena ki Linzwi ni Totolo, kanti. Isiñi kubizwa, Na ize, isiñi kubizwa ka libizo la *musali*, kono, “Kubizwa ka Libizo la *Muuna*. Na konile kuzwisa sicaba mwahala Bamacaba,” isiñi ka libizo la musali, kono, “ka Libizo la Hae,” bakaba ni Libizo la Hae. Oh, mawi! Musaba sikamañi kanti, cwale? Mulicaba ukaba ni Libizo la Hae, la Totolo; isiñi la musali, yona keleke. Isiñi musalil; kono Muuna! Haleluya!

<sup>210</sup> Peu ya silena ika Libona hape. Kana hamuboni Malaki 4 hatalelela nji? "Kukutela kwa Tumelo ya makalelo, kwa Linzwi la Mulimu!" Luli mina sicaba mwakona kubona cwalo. Haluna ku li patalaza kufitelela foo. Mutuhele kopano yeo izamaye. Muuna, kutela kwa Linzwi lani. Ni Linzwi la lizazi la mafelelezo, ni sisupo sa lizazi la mafelelezo, ki ku kutiseza sicaba kwa Tumelo ya makalelo, Malaki 4 ibulezi cwalo, kukutela kwa Linzwi.

<sup>211</sup> Mi Yena nali Linzwi, isiñi musali; Muuna, amen, wa Libizo la Mulena Jesu; Linzwi le li pakilwe cwale ka sepiro, Linzwi lene li sepisize.

<sup>212</sup> Muhalalehi 14:12, "Misebezi ye Ni eza, muka i eza ni mina." Malaki 4, ibulezi taba yeswana foo. Hape, Luka 17 ilubulelela, kuli, mwa mazazi a maungulo kubonahala kwa lifasi ku ka beiwa fela hande mwa sikuka, "sina mo ne kuinezi mwa mazazi a Sodoma," mi Mulimu uka shetumuka, abonahale mwa nama ya butu, mi uka ziba likunutu za lipilu. Hmm, hmm. Jesu na bulezi taba yeo, mi ya ezahala, "mwa mazazi ao Mwana mutu ha ka patululwa," kwa mafelelezo a lifasi.

Mwabona, ha ki keleke, "Kuikopanya ku *se*, kuikopana ku *sani*."

<sup>213</sup> Ki, kutaha ku Yena! Ki sona sene inani peu ya Abrahama kwani, sitabelo ne si filwe, mwa sibaka sa peu ya hae ya butu. Kucwani he lwa Peu ya hae ya moyo, amen, Peu ya Hae ya silena, Peu ya Mulena wa muslai? Amen. Oh, kambe nemuka bona fela zeo! Muhupule, kisikamañi seo? Ki nama ni Moya zekopana hamoho, liba nto iliñwi.

<sup>214</sup> Amatalime mwa Mateu, kauhanyo ya 3. Fa nekuna ni mubili, Mwana-Mulimu ya pepilwe ki mwalandjo, inga azwa mwa—mwa muleneñi, ataha ku Joani Mukolobezi.

<sup>215</sup> Mi ki yani nali fani, inza yemi mwa mezi. Bibele ibulezi kuli, "Linzwi la Mulena kamita litahanga ku mupolofita." Kana ku cwalo? Mi Joani neli mupolofita. Nebasina mupolofita mwahala myaha ye mianda anda.

<sup>216</sup> Kono ki yo nali fa, mupolofita inza yemi fani, mi na polofita kuli Jesu wa taha. Na sa pilile kwande mwa lihalaupa, mi abulela kuli naboni sisupo. Mulimu na mubulelezi ka za sisupo sene si ka latelela Mesia yani, Ha sa tile. Ki hali, "U yemi mwahala mina kokuñwi cwale. Kuna ni Alimuñwi mwahala mina, Yoo likatulo za hae Hanikoni ku tamulula. Uka zibahazwa leliñwi la mazazi aa. Mi Ha za zibahalile, kihona na Ni ka kusufala, Yena a huliswe."

<sup>217</sup> Ha yo talima, ni kubona sisupo sani; ki hali, "Ki Yona wa taha cwale. Amubone Ngunyana ya Mulimu yetakula sibi sa lifasi."

<sup>218</sup> Mukutazi wa kale wa Baptist, Dokota Davies, yana ni kolobelize mwa kopano ya keleke ya Baptist, na ambozi nina zeo nako yeñwi. Ki hali, “Wa ziba sene si ezahalile kwani, Billy?”

Mi se Nili, “Batili, Ha ni zibi, Dokota.”

<sup>219</sup> Ki hali, “Ki ze zene ezahalile. Joani na si ka kolobezwa kale.” Ali, “Joani na kolobelize Jesu, mi ni Jesu a fetuha ni ku kolobeza Joani.”

Se nili, “Ha—Ha ni zibi ka zeo.”

<sup>220</sup> Kacwalo Na tundamena ku lapelela fateni. Busihu bulibuñwi mwa pono, ki se sataha mo ne siinezi. Mwabona? Na sikabe, Na sikabe, Jesu na si ka kolobeza Joani. Kihande, sikamañi?

<sup>221</sup> Ki hali, “Ni tokwa kukolobezwa ki Wena, mi kiñi So tahela ku na?”

Jesu ali, “Tuhela kuli kube ona cwalo.”

<sup>222</sup> Mutualime meto amabeli ani, baana babutokwa luli mwa lifasi; *kiyani* fani Mulimu, *fa* nekuyemi mupolofita wa Hae, mi Linzwi litahanga fela mupolofita. Haiba Linzwi li mwa mubili, li kaya ku mupolofita. Hakuna taba kamba Liinzi kai, Li kaya ku mupolofita. Lina ni kuba cwalo. Bibele ibulezi seo. Hakuna... Mi ki yo ataha... Na li yena Linzwi. “Kwa simuluho nekuna ni Linzwi. Mi Linzwi la eزوا nama mi ato yaha mwahala luna.” Mi kwa taha Linzwi ku mupolofita, kuhata mwa mezi, kutaleleza ni kupaka sipolofita sa hae. Amen. Ki yona Inza yemi fani, mi fa meto amabeli ani anongana hande; mupolofita alimuñwi, mi yomuñwi ali Linzwi.

<sup>223</sup> Mi yena, Joani, aikokobeza fapila Hae, ki hali, “Ni tokwa ku kolobezwa ki Wena, mi kiñi So tahela ku na?”

<sup>224</sup> Ki hali, “Tuhela kuli kube cwalo, kakuli kwa lu lukela,” kwa lu swanelo, mwabona, “ki swanelo kuli lutaleleze kuluka kaufela.”

<sup>225</sup> Joani, kakuba mupolofita ni kuziba Linzwi lani, kakuli Linzwi ne li tile ku yena, na zibile kuli sani neli sona Sitabelo. Mi kuya ka Mulao, Sitabelo nesina ni kutapiswa sisika talekwa kale. Ki cona. A kolobeza Jesu kakuli Na li yena Sitabelo sene sitaha. Mane Asika ya kale kwa bupilo bwa Hae mwahala sicaba, Nana ni ku kolobezwa, kakuli Sitabelo sina ni kutapiswa sisika talekwa kale. Amen. Mi sa Mu kolobeza.

<sup>226</sup> Mi ha sa mu kolobelize, Aya kuzwa mwa mezi. Mi atalima mwahalimu ni kubona Moya wa Mulimu, sina nkwilimba, mi Linzwi la zwa ku Yona, lali, “Yo ki Mwana ka ya latwa ku Yo Ni katelwa.” Mulimu ni mutu baba alimuñwi.

<sup>227</sup> Adama ni Eva neli alimuñwi, kwa simuluho. Mi Ha ba kauhanya, musalil awa, bakeñisa Linzwi. Musali asiy Linzwi. Musali awa.

<sup>228</sup> Kona mokubezi ni mwa lusika kaufela, luwile ona cwalo, bakeñisa ku sa toloka hande Linzwi. Kutuhela mutoloki, yena Satani yana Li tolokezi Eva, “Oh, luli *Seo* hasikoni kuba sa niti. Luli *Se*, luli *ze* kaufela halikoni kuba cwalo. *Se* hasikoni kuba. Oh, eeni, Na ziba, luli . . .”

<sup>229</sup> Kono haiba Mulimu na bulezi cwalo, kipeto seo si Lieza kuba cwalo. Hakuna za kuli “kaniti” ku Lona. U swanelia kupepwa sinca. Una ni kuamuhela Moya o Kenile. Ube cwalo kamba wa shwa! Mulemuhe.

<sup>230</sup> Mi fa A—fa A taha, Jesu ni Mulimu baba alimuñwi. Ba kopana.

<sup>231</sup> Sina mwa Edeni, kone kuna ni Adama ni Eva kwa simuluhu, ka moya o swana. Mabizo a bona na bizwa Adama. Mwabona? Nali zepeli cwalo Adama ni Eva, hamoho. Mi ha ba kauhana, kukutela kwa muliko, kiñi ze ne ezahalile? Eva awa, ka Linzwi. Lani neli Linzwi. Adama amu latelela, ku yo mu liulula, kono apalelwa kueza cwalo. Na sa swaneli ku mu liulula.

<sup>232</sup> Mi mwa mulaho kwataha Adama wa Bubeli, ku to liulula Keleke, yeneli mwa muluti ni mufuta.

<sup>233</sup> Cwale, kuya fela sina Adama ni Eva mo ne balukela kubela moya o swana, Kreste ni Keleke bana ni kuba Moya o swana, bulumiwa bo buswana. “Lika ze Ni eza, mika lieza ni mina.” Mwabona se Ni talusa? Nebana ni kukopana hamoho. Nama ni mali, ni Mulimu, nelina ni kutaha hamoho ni kuba Moya ulimuñwi. Mi Jesu Kreste ni Keleke ya Hae ki Moya ulimuñwi. Cwale keleke ikona kulatula cwani pupo, keleke ikona kulatula cwani taba luli yana ba bulelezi Kreste kuli baeze, lukona ku I latula cwani ni ku bulela kuli lu ba Kreste? “Ha muina ku Na, mi Manzwi a Ka aina ku mina, mukupe semubata kaufela mi si ka fiwa ku mina. Kina Kota, mina mu mitai, mi Bupilo bobuli mwa kota kona bo bukena mwa mutai ku yo beya muselo.” Babeyi ba mizelo!

<sup>234</sup> “Mi mutai kaufela o sa beyi muselo omunde, wa u lema kwateni.” Cwalo kona likopano mo li ezelize, ku u lema kwateni, ba zwanyize Linzwi, ni kukalisa ona cwalo. Mi alimuñwi ukalisa nto ye ka nzila *ye*, mi yomuñwi ka nzila *yani*, mi, nto yapili mwa ziba, sikuwata nyana sa ma Ricky sitaha mwateni mi bakenya mulelo wa bona mwateni, mi, taba yapili mwa ziba, kona kuli seiba fela sikuwata tuna fela sa Babilona. Yena kipeto wa li lema fela kwateni.

<sup>235</sup> Kwali kuba kopano yekile ya zuha fateni, kono kaufela ne liwile. Mi kaufela zona za wa, ha li si ka be li zuha fateni hape. Ni swabisa cwalo ku mutu kaufela. Eeni, sha. Mwa ziba litaba za kale. Kwali kuba ni yekana. Mulimu, ba sa li ongaonga fela, Wa li kasheza fa shelufu, mi ao aba mafelelezo a zona. Uka nga mutu kuzwa kusili fela, amutise fela hande. Kiniti.

<sup>236</sup> Mulemuhe ku se cwale, bana ni kuba alimuñwi. Jesu naize, cwale, "Bupilo bobuli ku Yena bukaba mwa Keleke ya Hae." Mi ki se fa sa Na sepisize mwa mazazi a maungulo, kuli Bupilo bone buli ku Kreste, bone buli mwa...bu ka bonahala mwa mazazi akuli lifasi selili mwa buino bwa Sodoma inge fela mo liinezi cwale. Kikuli ha muboni, muzwale, kezeli?

<sup>237</sup> Ki bunde mañi bobuliteni fa kuikopanya kwa keleke haiba hauna Kreste mwa bupilo bwa hao, mi Kreste inza iponahaza ili Yena mwa bupilo bwa hao? Mwabona, ki cona. "Lisupo ze lika latelela baba lumela." Na bulezi cwalo. Ukona kubulela cwani cwalo, haiba ha ki cwalo, mukona kubulela cwani kuli mu ba Kreste?

<sup>238</sup> Mu li, "Muzwale Branham, unahana cwani kuli zeo li ka inelela ni sicaba, mwa lizazi le la zibo yeñata kanti kaufela selili fela kopano?"

<sup>239</sup> Ne ni buzize musali yomuñwi, ha ki kale hahulu, "U Mukreste nji?" Mwa sipatela. Ki hali, "Ni ka kutusa kuli u utwisise Ni tukisanga kandela busihu ni busihu." Inge kuli zeo lina ni za kueza ni Bukreste? Ne ninani...

<sup>240</sup> Na yo lapelela muslai yomuñwi, mi Na...kalibe usili na lobezi fani, inza kula, yena ni mwana hae wa mushimani. Mi se Nili...Na kena mwahali. Se nili, "Kalibe, kikuli uka...Eehe," Se nili, "Na ku ziba. Ki wena Musala bo. Oliver."

<sup>241</sup> Musali ali, "Eeni, Muzwale Branham." Ki hali, "Ni bile ni kula hahulu, Muzwale Branham. Dokota upalezwi kufumana butata ku na. Kana uka ni lapelela? Kona ze Ni ku bizelize."

<sup>242</sup> Na li, "Kiniti, Kezeli Oliver." Na li, "Wakona kuinamisa toho ya hao?"

<sup>243</sup> Ali, "Libelela fela fa muzuzu! Hoha lisila leo fa lihaulou!"

<sup>244</sup> Mi Na li, "Kihande, ku lukile." Na li, "Ni ka lapela fela. Kana u Mukreste nji?"

Musali ali, "Lu ba Methodist."

<sup>245</sup> "Kihande," Na li, "Ha Ni si ka buza zeo. Ni ku buzize haiba u Mukreste."

Musali ali, "Hoha lisila fa lihaulou leo!"

<sup>246</sup> Mwabona, kona fela mwa busisanī cwalo. Mutu ukona kuba cwani ya cwalo? Bwani ki bunsu ni lififi, shutano ya likopano kona ye pa zwisa kwa limbuyoti za Mulimu. Zeo lifumaneha mwa likopano kaufela. Yeo ki niti. Muzwale, usike wa ha ku *musali*; ikungele fela Yena. Usike waikungela libizo la *musali*; ikungele libizo la Hae, mwabona, nga Libizo la Hae.

<sup>247</sup> Mu li, "Muzwale Branham, uka li tiiseza cwani zeo kacenu? Uka li eza cwani zeo?"

<sup>248</sup> Na file sepiso kuli Uka peta cwalo, ali, “Musike mwa saba, mutapi o munyinyani, ki tato yende ya Ndata mina ku mifa Mubuso.”

“Cwale Uka eza cwani zeo?”

<sup>249</sup> Yena u sa li Jehova-Jaire. U sa li Jehova-Jaire. Mulimu wakona kuiponela ili Yena Keleke. “Wa kona kuzusa bana ba Abrahama kwa macwe aa.” Yena, kiniti, ki Yena Jehova-Jaire.

Mu li, “Kana li ka beleka nji?” Ki za luli. Mulimu na li sepisize.

“Kana unahana kuli uka yo punya . . . ?”

<sup>250</sup> Hanikoni, ko Yena uka kona. Ha nina buikalabelo bwa kuli Li kone. Na nina ni musebezi feela wa ku Li kutaza. Ki musebezi wa Hae kuli a Li pake. Yoo ki Yena. Haiba Ni yena ka Niti, Uka yema ka Yona. U lipakikle kale, mi Ukana aeza cwalo.

Mu li, “Seli bunsu maswe.”

<sup>251</sup> Eeni, Na ziba seli bunsu luli. Ni baluti ba zabulapeli kaufela bakena mwa kopano yetuna yee, ku yo silahiwa.

“Kacwalo uka eza sikamañi ka sona?”

<sup>252</sup> Si ni hupulisa fela likande nyana. Mwendi ni bulele nto ye ni si ka kwala kale. Kwani kwa Carlsbad, New Mexico, kwanu, bana ni zebetilwe za likwala kwani, mwa ziba. Bana—bana ni kuya kwani ka maili, kushetumuka kwani. Ne ni sa tabelangli lika zani. Kamia libanga inge ngeti mwa mubu. Mi ikena mwa mubu mwani, mi, oh, kubanga bunsu hakalo kwani. Mi nekuna ni musizana yomunyinyani yana yemi kwani, oh, mwendi, inge yani *fani*. Mi muhulwana hae na yemi *faale* wa muuna, kwa neku leliñwi, ni muzamaisi yana ba zamaisa kulo kwani. Kacwalo neba yemi mwa sibaka sa lififi se, mi se kuba liseli, a tukisa malaiti kaufela. Mi muuna yoo, neli fela . . .

<sup>253</sup> Muzamaisi akena mwa liseli. Mi mushimani yomunyinyani yoo inza zamaya ni yena, inza talima muzamaisi. Kacwalo muzamaisi ayo fita kwa mafelelezo ni kunga lumonyi loo ni kutima lumonyi loo. Oh, mawi, mubulela za lififi! Butunki luli kulikana ni maili mwa mubu, mwa ziba, neli lififi luli kuli hamukoni ku nyanganyisa lizoho la mina, hakuna sene muka bona.

<sup>254</sup> Mi musizana nyana yani nasweli kuhuwa katata luli mwa konela. Nasweli fela kutulaka-tulaka-fela ni kuhuwa, kuhuwa katata luli inge . . .

<sup>255</sup> Mi mwa kuhuwa kwani kaufela, mushimani na yemi kватуко neku leliñwi, ki hali, “Oh, kezeli yomunyinyani! Oh, kezeli yomunyinyani!”

Ki hali, “Ubata sikamañi, muzwale yomunyinyani?”

<sup>256</sup> Ali, “Usike wa saba. Kuna ni muuna fa yakona kumonyeha maseli.”

<sup>257</sup> Kuna ni Muuna fa yakona ku monyeha Maseli. Yena, Yena ki yena Jehova-Jaire. Mwabona? Kuna ni Muuna fa, yali mwahala luna busihu boo, yena Moya o Kenile, Wakona kutukisa Maseli. Ki yena Linzwi, ki Muuna fa yakona kutukisa Maseli. Ha ni zibi Mwa ka ezeza. Ha ki musebezi waka kuziba, kono Wa ziba mwa ku tukiseza. U file kale sepiso. Na ifile fahalimu fani Abrahama hana nanulezi tipa ya hae fa mumizo wa mwana hae; A tukisa Liseli. Eehe. Wakona kutukisa Liseli hape busihu boo.

<sup>258</sup> Ha lu inamiseni litoho za luna fa muzuu feela. Mulimu lutuse, kuli atukise lumonyi mwa pilu ya hao.

<sup>259</sup> Balikani, biki ye muboni Moya o Kenile omutuna mwahala luna. Hakuna puzo ku zeo. Kono, oh, Liseli nyana lani ha li tukiswe, busihu boo. Musike mwa Li mbwinja, muzwale waka, kezeli. Ni sepa kuli ka yona fela kauhanyo iliñwi fela yee ya—ya Abrahama, ipakile, ka kuikopanya fela kwa mulaho ni kwa pata, kuzwa mwa Genese kuisa Sinulo, i pakile mufuta wa hola yelupila ku yona; Kreste, u hanilwe mwa na ha yaluna hape; lizikinyehomwa libaka zeñata; Sodoma ni Gomora; keleke mwa buino bwa yona, ka kubupa feela siswaniso sa sibatana kihona. Likä ze kaufela li ezahalile, sina Bibebe mo i bulelezi, ni mina sicaba mu ziba cwalo. Mwabona? Cwale kusina kutwisiso tuna ye ni Kreste, haiba Bupilo bwa Kreste butaha ku mina . . .

<sup>260</sup> Cwale ha muitalime feela mwa siiponi sa Mulimu, mi mubone feela haiba mukona kuitiba busihu boo. Kambe no ka pila mwa mazazi a—a Nuwe, mwa nako ya muunda, ki siemba mañi so no ka itibahaza ka sona? Kambe no ka pila mwa mazazi a Mushe, ki sieba mañi ko kaba kwa neku lifi? Kambe no ka pila mwa mazazi a Kreste, foo likeleke kaufela ha ne li Mu lwanisa? Na na ni kuyema anosi fani, ni lika za Na ezize. Nto inosi fela, neli Mulimu ni Yena, yeo kona nto inosi fela. Neba baapositola ba Hae kaufela, mane, ba zwa ku Yena. Kono ki siemba sifi, buino bwa hao bwa kacenu cwale, nokaba kai, no kaba kwa neku lifi? No kaba kwa siemba sifi cwale, ha u Mu bona hape mwahala luna?

<sup>261</sup> Cwale ki Yo uteni faa, mi wakona kutukisa Liseli mwa pilu ya hao, ni kutaza fela bupilo bwa hao ka Moya o Kenile. Ki ba bakai mo cwale, ni litoho za mina zeinami cwalo, ni lipilu, cwalo, baba ka lapela ni na fa nako nyana fela?

<sup>262</sup> Cwale, Ndate yakwa Lihalimu, lu ziba kuli ha Utahangi fela ni—ni kueza lika ka kubonisa fela kuli Ukona ku lieza. U li eza ka mulelo. Mi, Mulena, biki yee, Ni ikutwile ku etelelwa kulibelela kufitela ka muzuzu woo, yona nako ye luli, kuli pili nebaka bona kuli Linzwi li pakiwe. Zeo li fitilela puzo ifi kaufela cwale. Mi ni mutu alimuñwi yoo faa, Abrahama, kanti batu kaufela ba mwa Bibebe ba tamanyizwe hande ku yena, mi lubona fo luinzi cwale.

<sup>263</sup> Ndate, ka linzwi le li lobakehile, kono ki lelinde ni kufita mo Ni kona kuezesa. Ni lapela cwale kuli Moya o Kenile oliteni

mo, oziba kunutu ya pilu kaufela, ubulele kwa pilu yani onafa cwale. Eza, Mulena. Bulela ku ya si ke kuya yani, haiba No ka taha busihu boo, haiba sikwalo ne si ka kwaliwa busihu boo, haiba na ka shwela mwa nzila haaya kwa ndu, kamba kuhatiwa ka mota ni kubulaiwa, kamba kushwa, afumanehe ashwile mwa mumbeta kakusasana, nasike a piliswa. O Mulimu, shangwe u si tuheli kuli neba alimuñwi wa bona azamaye cwalo.

<sup>264</sup> Haiba kona aikopanya fela kwa kaleke, Mulena, asike a swaba kuzwela kwande ni kukupa Mulimu kuli amutaze ka Moya wa Hae, kuli Bupilo bwa Hae bukene ku yena. Haiba ha si ka utwisisa lika zee; nibona balutiwa ne ba si ka li utwisisa, kono ne ba swalelezi kufitela Moya o Kenile u suluha, kona ha Li utwisisa, mi ba ñola Bibebe. Na lapela, Ndate, cwale, kuli U ambole kwa pilu kaufela mi bakonise kuziba kuli Muuna yakona kutukisa Liseli uyemi fa sikwalo sa pilu ya bona.

<sup>265</sup> Ni litoho za luna ze inami cwale. Ki ba bakai mwahali mo baba ka sephala luli, ni kubulela kuli, "Muzwale Branham, Ni—Ni ziba kuli ha Ni si ka luka ni Mulimu"? Ni bata—Ni bata kuli munanule lizoho la hao. Muinamise fela litoho za mina ona cwalo, mañi ni mañi, kono munanule mazoho a mina. "Ha ni yo hande ni Mulimu." Mulimu aku fuyole. Mulimu aku fuyole. Eeni. "Na," mazoho, "Ni ziba kuli ha Ni yo hande ni Mulimu."

<sup>266</sup> Mwabona, se Ni lika kueza, ki kufumana sishemo ni Mulimu kwa sebelezo tuna ye ya foliso ya kamuso. Haiba Ni kona fela kuamuhela sishemo, Hani—Hani—Hani lumeli kuli ku kaba ni sika se si ka siala kono kaufela lika konahala, Mulimu uka folisa, haiba Nikona fela kueza kuli batu ba lemele.

<sup>267</sup> Cwale, mina babasina kolobezo ya Moya o Kenile, mi muziba kuli ki Oli. Haiba hauna Oli mwa lambi, nosike ku kena.

<sup>268</sup> Mi kana mukile mwa utwa za nako yecwalo, mwa mitende, koo ba Presbyterian, ba Lutheran... Mutualime mutende wa Baana ba Pisinisi ya Sikreste. Ba Lutheran, ba Presbyterian, neba ba Katolika, ba bata kufumana kolobezo ya Moya o Kenile, ka mianda anda. Mi Na hakanyeha haiba Baana bani ba Pisinisi Yetezi ya Evangelii ba utwisisa kuli habana ku I fumana?

<sup>269</sup> Bibebe ibulezi kuli, "Ha ba taha, bali, 'Amu lufe kwa oli ya mina,' ba bulela." Mwalanjo ya lobezi, ba lemuha kuli nebana ni nako yeñata luli ya kuba ni Oli, kono batokwa kuba ni yona. Kacwalo Munyali cwale hana li bukaufi ni kutaha, ba li, "Amu lufe kwa Oli ya mina." Ba li, "Luna ni fela ye lu likani kihona. Amu yo itekelela ku baba ilekisa." Mi hane ba saile, Munyali ataha, mi Munyaliwa akena mwahali. Mi ba nepelwa kwa lififi la kwande, ha ba yo pasumuka ba fumana kuli Kuungelwa ku ezahalile. "Mi ba siiwa ko ba ka bokoloka ni kulila," nako ya Nyandiso ya balumeli, "ni kukweca meeno."

<sup>270</sup> Muzwale waka, kezeli, busihu boo, mulikani, haiba hauna Moya o Kenile, kana ukaba... kamba ku kolwa luli ka kuziba

kuli una ni kuba ni Ona, nanula lizoho la hao, uli, "Ni lapelele kwateni, Muzwale Branham. Na lumela lu Fapila Mulimu. Ni lapelele kwateni. Hanina Moya o Kenile." Mulimu ami fuyole. Amutalime fela mazoho, kai ni kai. Kana mwa U bata, cwale?

<sup>271</sup> Cwale Na ziba, ku mina ba Methodist ni ba Baptist, ni babañwi cwalo, kuna ni kufiteleza hahulu tumelo yelatelelanga liñusa lifi kaufela.

<sup>272</sup> Cwale ku mina ba Lutheran. Ne ni sweli fela kubala litaba za kale za Martin Luther, yeñwi ya libuka za hae zene ñozwi kaza hae, kwanu ha ki kale hahulu. Ne ba ize, "Ne si nto yenca hahulu kuli Martin Luther ahanyeze keleke ya Katolika ni kuya a lukuluhile, kono kunanulela toho ya hae fahalimwa kufiteleza kulumela kone kulateleziancafazo ya hae."

<sup>273</sup> Mi zeo za lumelelana, kuna ni sikuwata se si kopani ni ancafazo kaufela. Mu ziba cwalo. Kono cwale, muhupule, zeo libonisa fela kuli kuna ni za niti. Ha mubona dollar ya buhata, kamba mutu ueza inge kuli una ni sika, muhupule fela kuli kuna ni ya niti ko ipangilwe yona. Haiba ha ku cwalo, yani kona ya makalelo. Mwabona? Kona kuli muziba kuli zeo halikoni kuba za makalelo, kona kuli kuna ni kuba ya makalelo.

<sup>274</sup> Mi yani wa makalelo ki yena Jesu Kreste wa niti, ki Yena yaliteni mwahali mo, ya ziba kunutu ifi kaufela mwa pilu ifi ni ifi cwale. Mi cwale Ni ka mi kupa, haiba mwa Mu bona, ni kuutwa bupaki boo bwa mifuta kaufela ye folisizwe, ni ka mo lipilu za sicaba mo li zibahalezi mwahala biki, ni mina... Yoo ki Yena ya ambola ku mina. Yani ki Yena. Ha ni zibi haiba muka lumela kuli ni mi lapelele, ni mina, lika mitusa kana?

<sup>275</sup> Muhupule, Moya o Kenile nofilwe ka beiwa mazoho fatoho. Pitrosi, kasamulaho Filipi amano ya kwa Samaria ni kukolobeza sicaba kaufela kulo kwani, ka Libizo la Jesu Kreste, ibo, Pitrosi ataha mi ato ba beya mazoho, mi Moya o Kenile wa suluhela fahalimwa bona. Mwabona?

<sup>276</sup> Cwale haiba mu lumela ku zeo, Ha ni zibi haiba mu ka taha fahalimu fa, mutu kaufela ya sika piliswa, kamba yasina Moya o Kenile, atahe kwanu ayeme kulo fa ka muzuzu fela, halubone ni mi lapele. Haiba ukona kutaha fela mwahala lipula, hakuna taba kamba uinezi kai. Mutahe fela kwanu mi alubone—ni mi lapelele fa muzuzu fela. Mulimu ami fuyole.

<sup>277</sup> Cwale mutu kaufela aopele cwale. *Nibatile Kulumela*, haiba ukona. Kezeli Downing, fa, haiba ukona. Ku lukile.

<sup>278</sup> Kikuli mwa taha ona cwalo *kwanu*, mizwale ya ka? Mulimu aku fuyole, muzwale waka. Mutu kaufela aine akuzize cwale, mulapele. Ye ikona kuba nako yetata, ikona kutilusa shutano mwahala lifu ni Bupilo, ku babañata, sicaba sesiñata.

<sup>279</sup> Kana kaufela mina mubile mo biki ye kaufela? Kikuli muboni Moya o Kenile, sa Ezize biki ye mwahala sicaba?

“ . . . -kuekeza,” Kreste ku mu amuhela;  
Oh, Ki yo cwale, moyo omuñwi kwa . . .

<sup>280</sup> Kana wa taha, yasina Mulimu, yasina Moya o Kenile? Kikuli ubulela kuli, “Ni wa siemba sa keleke, Muzwale Branham”? Kona zeo, isiñi ze Ni bulela. Ni talusa, kikuli utalizwe ka Moya wa Mulimu?

“ . . . hahulu . . . ”

<sup>281</sup> Hauna kufumana lizazi leliswanela kufita kacenu, foo Jesu Kreste ha i tibahalize mwahala luna.

“ . . . ku Wena . . . ”

<sup>282</sup> Kucwani haiba u ka shwa lisika pazula kale? Mi kipeto hauna kubiza. Kikuli ha u tahi cwale Hasweli kubiza?

“ Nibatile kulumela,” . . .

Yeo ki niti, muzwelepili fela kutaha.

. . . taha, taha kacenu;

“ Nibatile kulumela,” usike wa saba . . .

<sup>283</sup> Kana ha utahi cwale? Ni ziba sesiñwi mwa pilu yaka si ni bulelela kuli kuna ni yasweli kukaña kaña. Usike wa eza cwalo, muzwale, usike wa eza cwalo!

. . . Mangeloi ainzi bukaufi,

Litapelo za nanuha mwa lipilu ka bunde luli;

O muyambaeli tuwe, taha. (Cwale luli . . . )

<sup>284</sup> Teeleza, mulikani. U lumela kuli Moya o Kenile, mwahala biki ye kaufela, u pakile kuli Wa ambola mwahali mo? Halu boneniñi mazoho a mina. Ku lukela kuba babañata mo, kamba buñata ni kufita. Ni ikutwa Maikuto a cwalo. Mwabona, Ha yo cwalo . . . Kuna ni se si fosahalile kanti. Mbwesha utahe.

<sup>285</sup> Muhupule, Hanikoni—hanikoni ku kuhapeleza kuli utahe haiba u sa lati. Kono Ni lumela kuli yakona kuba nako, kaufela ze mubile mulibeleta, likona kuezahala ka nako ya cwale. Mi se sikona kuba, Na sepa ha ki sona, ikona kuba nako ya mafelelezo yo kona kubizwa. Muhupule, Haana ku kuhapeleza kamita. Uka biza, kipeto Uka ku fulalela, mi ha sa taha hape.

<sup>286</sup> Kiñi ha u sa tahi ona fa? kiñi ha usike kutaha mi u ipeye fapila Mulimu? Uli, “Na taha ni yeme. Ni ka wela nzila. Ha ni swabi. Ni wa siemba sa keleke, kono Ni bata lifasi kaufela kuziba kuli Ni itukisize kuamuhela Kreste mwa pilu yaka, ona Moya o Kenile. Ni taha cwale ku to eza cwalo. Ni itukisize ku otolola lika, nibe Mukreste wa luli, kalibe wa luli, muuna wa luli.” Kana ha u tahi? Luka libelela feela. Amutahe kifohe cwale, yeo ki niti, fahalimu mwa malibela ni mwahala lipula. Amutahe kwanu, muyeme feela.

<sup>287</sup> Mulikani, Hanikoni ku ku bona fateni hape kwa neku lelituna la nako lee. Kono haiba Ni sa mi boni, muhupule, Ni kaba yasina mulatu cwale, ni Kreste u cwalo. U itibahalize ili

Yena ku wena. Mu ka Mu bona ha eza zeszana mwa bunyinyani. Ku lukile. Cwale aku tahe, aku yeme.

<sup>288</sup> “Kiñi,” mu li, “Muzwale Branham, usweli ku ni atula.” Batili, Hani atuli.

<sup>289</sup> Ni atula Maikuto ali kuna aa, mwabona. Kuna ni Sesiñwi mwahali mo, sili, “Oh, kuna ni babañata. Kusana ni babañata hape.” Mwabona?

<sup>290</sup> Cwale mu li, “Kihande, Na, Ni ikopanyize kwa keleke, Muzwale Branham. Ni wa Pentekota. Hani—Hani—Hani na . . .” Hani buleli cwalo mulikani. Ha ni kupi zeo, ni hanyinyani.

Ni buza kuli, “Kana una ni Bupilo bwa Kreste nji?”

<sup>291</sup> Mi mu li, “Muzwale Branham, Ni bulezi ka malimi.” Zeo ki zende. Kono niteñi zeo hakizona ze Ni buza.

<sup>292</sup> Mu li, “Muzwale Branham, Ha ni si ka holofaza mutu.” Zeo niteñi ha ki zona ze Ni buza.

“Kana Bupilo bwa Kreste buteni ku wena nji?”

<sup>293</sup> Usike wa keshebiza mulikani. Usike, usike, usike wa eza cwalo. Ku kaba cwalo hauka . . . Foo lifu ha se li ku potezi, kukabe kuliye hile cwale. Usike wa eza cwalo. Shangwe usike.

<sup>294</sup> Cwale luna ni babañata hahulu mo cwale, Ni lukela kufa sibaka nyana ku babañwi hape. Ni ka lapelela baa, kuli cwale lukene mwahali, lukene mwa muzuzu mwani kuli kuba beye mazoho, ba amuhele Moya o Kenile. Mi kona lu ka lapelela cwale baa.

Mu inamise litoho za mina fa nako nyana.

<sup>295</sup> Ndata luna yakwa Lihalimu, kiba fa babainami mo, ili baana ni basali, ki sicaba se si tamehile kuya kwa Kuyakuile. Bona, bana ni kuya, lwa ziba cwalo. Mi lubona lizikinyeho za lifasi, kuli, ni lifasi mwa buino bolili ku bona. Ni kubona Kreste yataha ku luna ni kueza lika Za sweli kueza cwale, ni kubona Liñusa, ili Linzwi leli zamaya hande, mi ni ku Mubona hataha mwa mulaho wa Lona ni ku Li paka kuba Niti, kuziba likunutu kaufela za lipilu. Mi sicaba se cwale sitile kwapili ku to yema. Nebasike baeza cwalo ka bona bañi. Batile kakuli ba etelezwi kuli batahe.

<sup>296</sup> Mi, Ndate, Ni fa tapelo ya bona onafa cwana mo. Isiñi fela kwa puluso ya bona, kuli ba pilisizwe, kono kuli bakone kutazwa ka Moya o Kenile. Lumeleza cwalo, Mulena. Mi mañi ni mañi yayemi mo atazwe ka Moya, ni kuzwa mo kutahé ancafazo mwaha yee, yeka nyunga silalandia se ni naha ye kaufela kuipotoloha. Lumeleza cwalo, Mulena.

<sup>297</sup> Mi keleke ifi kaufela, ni ya Methodist, Baptist, Presbyterian, church of Christ, Lutheran, kamba ki yecwani kaufela, hakutahe ancafazo, Mulena, kwa sicaba se si zamaya ni Moya o Kenile unzo bonahaza Mulimu mwa bupilo bwa bona. Lumeleza cwalo, Ndate. Ki ba Hao cwale, mi Ni bafa ku Wena. Cwale lu ka bangá

ni kuba beya mazoho, Mulena, kuli ba amuhele Moya o Kenile. Ka Libizo la Jesu.

Cwale kaufela ha lunze luinamisize litoho cwalo.

<sup>298</sup> Ni kupa sikwata *se* cwale, amulatelele muuna *yo* fakaufi ni mina, kuli ange, luka taha ku mina ona mwa sibaka see. Luna ni sibaka kwanu kuli mu to kubama; lutahe lu to mi beya mazoho, kuli mu amuhele Moya o Kenile. Mi haiba mwa kula, muka foliswa. Mi kaufela se si ku kataza, zamaya utahe kwanu cwale. Lwakona kulumelana hande ni wena. Kuna ni babañata babana ni kutaha, kono kiba—kiba banyinya... Hakuna sibaka kuli bayeme teñi. Lubata fela kuhulisa sibaka samuyaho woo; kiniti, mutahe fela neku lee, kafa—kafa kwa neku *le*. Yeo ki niti. Mulimu ami fuyole.

<sup>299</sup> Cwale, ku mina babañwi mo cwale; habanze ba zwa fande, hamutahe kwapili cwale hape, ku to lapelelwa. Mi lutaze sibaka se hape, mwahali mo cwale.

<sup>300</sup> Lukena mwani ku yo amuhela kolobezo ya Moya o Kenile. Lwa kena mwahali.

<sup>301</sup> Kasamulaho lubona zihabazo ya Mulena Jesu mo fapila luna, biki yee, mi luziba kusina muluti wa kukakanya, kuli yoo ki Yena mwahali mo. Cwale amuhupule, Moya o Kenile o swana, yena Jesu yaswana yakona ku ni bulelela butata bonebuli ni batu bani, kone bainzi, kuli neli bomaña, ki kai ko ba zwelezi, kiñi ze ka ezahala kubona. Mi muziba kuli ha li si ka palelwa nihaiiba nako ililñwi; mi halina kupalelwa ni kamuta. Ona Moya o Kenile o swana wani kona o ni bulelezi kueza se. Yeo ki niti. Ni eza cwalo ka zamaiso ya Moya o Kenile.

<sup>302</sup> Cwale haluezza se, sikwata se si sa zwa fela mwa muzuzu mo, lusika feza kale moo, lu bata kuli mutahe cwale. Mina faa, amutahe, amutahe neku le cwale. Mina babasiyezi baba tabela kolobezo ya Moya, amutahe kapili cwale. Mutahe neku le. Mulimu aku fuyole, mucaha tuwe. Mi haiba babañwi ba mina mwa kula, mi ha mu si ka tazwa kale ka Moya o Kenile, amutahe muto amuhela Kreste, mu Mu amuhele mi kipeto muyeme hande busihu boo.

<sup>303</sup> Kalibe yo na bitezwifafasi ka...wa kolwa luli mane nasakoni kuitiisa. Basweli ku mutusa kutaha mwa sibaka. Amutahe cwale, mina, babatatama fa cwale. Kuna ni sibaka sesituna mwa sibaka mo cwale. Amutahe cwalo, mina babali mamembala ba keleke, ba Methodist, ba Baptist. Ha lu ki mi kupi kuli muto...

<sup>304</sup> Amuteeleze, balikani, Ni ziba bali, "Pentekota, ba ongaongile pentekota." Ao ki mafosisa.

<sup>305</sup> Pentekota ki kutwisiso. Ba Methodist ba I amuhela. Ba Baptist ba I amuhela. Kaufela bona ba I amuhela. Pentekota haki kopano. Ki kutwisiso. Haiba hauna kitwisiso ya pentekota, taha

u I amuhele cwale. Muhupule, haiba mu ni lumela kuba mutanga Hae, mupolofita wa Hae, muhupule, kuna ni kolobezo ya niti ya Moya o Kenile. Mwahala kufiteleza kwa tumelo, kusana ni Moya o Kenile wa niti, Bupilo bwa luli. Amu tahe, mu U lumele cwale.

<sup>306</sup> Amutahe hanze lu opela iliñwi fela, litimana zepeli fela za pina ye, kuli Ni kolwe hande kuli moyo waka ukenile ha Ni zwa mwa muleneñi mo cwale, kuli asike aba ku yona? Ni ziba kuli Wa ambola ku babañwi. Kiñi ha musike kutaha?

“...-kuekezwa” cwale kwa . . . kacenu;

Mulimu aku fuyole, mushimani yomunyinyani. Mulimu afuyole mina kaufela babayemi cwale.

“Al- . . .” (Yeo ki niti. Amutahe kwanu.) “ . . . - batile kulumela,”

<sup>307</sup> Amutahe, kuzwa neku kaufela la muyaho. Fande, mwahali, fahalimu, kai kaufela, amutahe ona cwalo cwale, ona kwantu. Muikungele sibaka sa mina ku Kreste. Musike mwa Mu swabela. Haiba no shwa; kucwani haiba no kautwa kuli pilu ya hao yatulaka cwale? Mi, muhupule, yena Yo yasweli kuambola ku wena, U sweli pilu ya hao mwa lizoho la Hae. U ziba kunutu ya pilu ya hao. Ni bulela cwalo ka Libizo la Mulena, kuna ni babañata mo hape babasa taha. Kiñi hamusa tahi? Mu li, “Kana ki na, Muzwale Branham?” Eehe, ki wena. Haiba ha u lumeli, usike wa kakanya ka lisheha.

. . . hahulu mulatiwa; O muyambaeli, taha.

“Nibatile kulume- . . .” (Kona cwalo. Kona cwalo.) “ . . . -kuekezwa,” kutulo . . .

Yeo ki niti, kutulo seili bukaufi ni kufela. Amutahe cwale.

“Nibatile . . .”

<sup>308</sup> Zazi leliñwi, ku kabe kuliye hile. Usike wa libeleta kufitela hola yeñwi, muzuzu omuñwi. Aku nanuhe mi utahe. Mucaha tuwe, tisa nyazi wa hao. Tisa nyazi wa hao wa mushimani. Ima, amutise bondate. Amuta cwale, onafa cwale, mañi ni mañi. Kalibe yomunyinyani, mucaha yomunyinyani, kamba umañi kaufela; muuna muhulu, musali muhulu, amutah shaa. Kona cwalo. Haiba mu supezi, muhupule fela se Ni mi bonisize, ka Bibebe, uka cinciwia haiba uka amuhela fela Peu ya Abrahama.

. . . seli fela kupalelwa!

Maswabi, maswabi, siliso sa butuku sani:  
“Nibatile, kono na lateha!”

Halu inamiseni litoho zaluna cwale.

<sup>309</sup> Mulena Jesu, O Mulimu, tatuba pilu ifi kaufela. Tatuba mañi ni mañi, Moya o Kenile o Mutuna. O Mulimu, lisike zaba mbango ka ze, nihaiba mutu alimuñwi. Mi mañi ni mañi, mañi ni mañi, Mulena, a piliswe. Usike wa lumeleza kuli neba alimuñwi kulateha, Mulena. Na banga, ka Libizo la Mulena

Jesu, kwa—kwa macwe abutokwa a mushukwe wa Mulena ka, oh, Yoo Pata ya hae iteni mo cwale, yena Siita sesituna sa Mulilo yasweli kuzamaya mwahala muyaho wo, inza potapota mwa lipilu. Na lapela, Mulimu, kuli pilu yani ikauhane kwa litamo zani, mi inanuhe ni kutaha hamunati ku Jesu Kreste, ili, "Mulena, kaufela ze Nili zona, ki Na yo. Ningi ni ku bupa, Mulena, mwandu tuna ya Hao ya kubupiwa; mi u ni taze, ni eze kuba mwana wa mushimani kamba wa musizana wa Mulimu." Lumeleza cwalo, Mulena. Taba ye ibe cwalo.

<sup>310</sup> Hanze lu zwelapili kuopela timana iliñwi hape, mukaeza cwalo? Kipeto lu ka be lukwalile cwale, kapili, kakuli luna ni kufeza fa ni babañwi babona.

"Nibatile kulume- . . ."

<sup>311</sup> Amutahe cwale. Amutahe ona fa cwale, mwataha nji? Mulimu aku fuyole, mulatiwa. "Mwa milomo ya limbututu, U amuhea milumbeko."

Oh, "Nibatile kulumela," oh, usike waya  
kwahule;  
Jesu . . .

<sup>312</sup> Yoo ki Yena ya ku mena, u ambola kwa pilu ya hao. "Ha ni zibi haiba ki na?" Haiba kuna ni towati iliñwi ya kukakanya, taha!

. . . zeliteni fa kaufi,  
Litapelo lizwelela mwa lipilu ze lateha luli; O  
muyambaeli, taha.

<sup>313</sup> Halu inamiseni litoho za luna cwale, ba hanaze ba itikisa. Cwale hanze muyemi mo, amutalime fela fafasi. Mu hupule, nemuna ni kutaha ka kubulela kuli . . . kuna ni Sesiñwi se si kasha mwahala hao, si ku bulelela kuli kuna ni se si fosahalile mwa bupilo bwa hao. Ni ikumbuta mayemo a mina. Muhupule, Jesu naize, "Haiba mu Ni swabela fapila batu, Ni ka yo mi swabela fa Pila Ndate ni Mangeloi a kenile. Kono yaka Ni paka fapila batu, ni yena Ni ka mu yemela fapila Ndate Mane ni Mangeloi a kenile."

<sup>314</sup> Mi cwale kuna ni sicaba nyana sesilikani kwa mulaho kwanu cwale, se si itukisize kukopana ni luna mwa litapelo, kuli mupiliswe ni kutazwa ka Moya o Kenile. Aku Mu bulelele fela kuli uswabile ka so ezize, mi ukaba Mukreste kuzwa kacenu kuya kwapili, ka muhau wa Hae, mi ubata kolobezo ya Moya o Kenile yeka ku zamaisa mwahala musipili wa bupilo.

<sup>315</sup> Ndate yakwa Lihalimu, ki macwe abutokwa mwa mushukwe wa Hao. Ne basike kutaha, ne basike kutaha, kusina Sesiba lemusize. Mi No ize, "Hakuna mutu yakona kutaha konji Ndate Ha mubiza. Mi kaufela be Ndate a Ni file baka taha." Mi ki ba bataha, ka Sesiñwi sesiba bulela kuli bataha. Kipeto ukalisa musebezi, Mulena. Ni lapela kuli U ka ufeza, busihu boo, ku

bona, Mulena, ka kubaeza kuba bana babashimani ni basizana ba Mulimu. Lumeleza cwalo. Kusike kwaba ni alimuñwi wa bona yaka lateha. Ni batisa ku Wena cwale sina mipuzo ya Linzwi la Hao ni Pata ya Hao. Ka Libizo la Jesu Kreste. Amen.

<sup>316</sup> Cwale amukutele mwa sibaka, kufitela lutaha kumina. Muye kwa silyo, kwanu. Balibelei fa munyako ba ka mi zamaisa mukene.

<sup>317</sup> Mi cwale—cwale Ha n zibi haiba babeleki ba luna ba ka taha, balatelele bao mwahali, buñata bwa babeleki babatusa kuzwa kwa likeleke zeñwi.

<sup>318</sup> Mina bakutazi baba tabela kukena mwahali mwani ni luna cwale, kubona haiba zeo liezahala fela ka swanelo kamba kutokwa, amu tahe, muka kuta ni luna. Amutahe, mukubame ni sicaba sa mina, kuli si amuhele Moya o Kenile. Ufi ni ufi, amutahe cwale... Mina bakutazi, ufi wa mina kaufela, ba Methodist, Baptist, Presbyterian, kamba ki wena mañi kaufela, aku tahe. U memilwe. Utahe ni sicaba se.

<sup>319</sup> Ni mina batusi ba musebezi kuzwa kwa likeleke zeshutana, ba baziba mwa kulapelela ni sicaba, a mu babeye mazoho, amutahe cwale. Ba ki—ba beilwe mwa mazoho a mina; ki mipuzo ya Linzwi. Mutahe cwale ka nako ye, mina batusi, mi mutahe kwa mulaho, lusika cinca kale mukopanomo fa muzuzu fela. Mutahe cwale, mukene mwahali. Ki hande. Mukutele fela mwa muzuzu, kuna ni sibaka sesituna mwateni cwale. Amukutele teñi mi mueze kaufela zemukona kwa kutusa sicaba sesinde sani. Mwani, Jesu u batisize; U ba swasize mwa kanyandi ka Evangelii. Cwale hamu ise mwahali mi lu ba lapelele, kuli Mulimu ataze mañi ni mañi wabona ka Moya o Kenile. Mukwale likwalo, muine mwahala cwalo kufita liezahala. U sepisize kuli Li ka ezahala. Mi U sepisize cwalo, mi Uka buluka sepiso ya Hae. Yena wa sephahaha fela kwa sepiso ya Hae, kuli abonahale mo fapila luna.

Mulena, ba fuyole!

<sup>320</sup> Bakutazi, kana muteni? Babuleli, batusi, baba bata kuiponela kamba kutusa sicaba siamuhele Moya o Kenile, sibaka sa musebezi wa mina cwale, amuye ni bona, muyeme bukaufi ni sacaba sa mina, mina baana baba lutilwe hande ka Moya o Kenile; ni mina basali ba balutilwe hande babaziba se si taluswa, amuye ni bona likezeli kwani kobainzi. Mina baba ziba za kueza, muina ni bona kwa mulaho koo cwale. Ona fa ye kiyona nako ya mina. Ye ona nako ya musebezi wa mina. Wo ki mubala wa mina, cwale ki kuya. Mulimu ami fuyole. Yeo ki niti. Amufumane fela libaka za mina mwateni ni bona, ni kuina mwateni ni kuikolwisisa kuli—kuli ku ezahalile, ni kueza ka swanelo. Muine mwateni kufitela mubona bunde bwa Kreste ku mañi ni mañi wa bona. Mulimu uka mi kuteka ka zona. Amen, ni amen.

Oh, Na lata cwalo. Mutualime fela babakeni kwamulaho kwani!

<sup>321</sup> Kana kuna ni yomuñwi mo yasika kena mwateni, yalukela kukena? Haiba kuna yacwalo, aulati kunanuha mi ulatelele babeleki ba sicaba ba mwateni? Eza cwalo, nji cwani? Haiba kuna alimuñwi mo, ya—ya sa ikutwi kuli—kuli uinzi fela mo lukela kuba.

<sup>322</sup> Cwale, muhupule, muzwale, kezeli, Hani—Hani koni kueza se. Mwabona, Mulimu ki Yena Ya peta lika zee, ha ki na. Cwale Ni lapela kuli Mulimu alumeleze litaba ze ku mina, ni ku mifa ku—ku—kutwisiso ya kolobezo ya Moya o Kenile.

<sup>323</sup> Mina sicaba kaufela cwale baba lata Mulena Jesu, mi mutabela kukena ni kulapela, amukutele mwateni mi mulapele ni sicana see. Mukaeza cwalo? Mi itumezi. Ni itumezi, hahulu luli.

<sup>324</sup> Mwa ziba, ha Ni bona batusi ba sicaba haba zamaya ni sicaba, Nina ni....Ni bata kubulela cwana ka mina sicaba mo, seo sibonisa mo inezi. Ni potezi kwa libaka, mane, mi batu baba lukela kutazwa ka Moya, ni kubona lipizo za kwa katala, mi, kiñi, nemusike mwakona kukenya sicaba ni kuya ni mutu, ku yo lapela ni bona. Mwabona, seo sibonisa kuli ki *Ichabod*, “kuli Moya wa Mulena u zwile fateni.” Mwabona? Kono hamubona ciseho yani ni Mulilo ni kunyolelwa, ni kunyolelwa mioyo ya sicaba!

<sup>325</sup> Mu lemuhe, mwahala biki, Ni ngile fela nako ka kuiketa, ni kubona litemuhu ni lika zecwalo, kuli sicaba sikonile kulemuha ni kufumana Moya o Kenile bukaufi, mi ni kubizeza sicaba kwapili. Mina bakutazi mwa utwisisa sene Ni eze? Mwabona, kubizeza sicaba kwapili cwale hane ba kolwisisa, cwale mianda ya bona ikeni mwani cwale ku yo amuhela Moya o Kenile. Mi babañata baile ni bona, ku yo lapelela ni bona.

Cwale haiba kuna ni yomukana hape mo, kona kuli . . .

<sup>326</sup> Ni ka bulela cwana, kuli muboni Pata ya Kreste, biki ye, inza Iponahaza mwahali mo. Mu Muboni.

<sup>327</sup> Mi cwale amu hupule, kuli, hakuna mali akayoba ku na ka Lizazi lani, haiba ki kamuso. Ku kaba cwalo, leliñwi la mazazi. Muhupule feela, luka yema Kwani cwale. Hakuna taba kamba ki wena mañi, uka yo yema Kwani, kupale kumane. “Ku tomezwi kuli mutu a shwe, mi kasamulaho ki Katulo,” mi lu ka yo yema Kwani.

<sup>328</sup> Cwale haiba ha uzibi hande kuli una ni Kreste, Moya o Kenile mwa pilu ya hao, mi Usweli ku Iponahaza mwahali mwani, ni lilato ni kozo ni tabo ni miselo ya Moya, mi Bupilo bwa Kreste bupila ku wena, kanti, hupula, mali a hao haayo mwa mazoho aka. Mane ni Yena haana kuba ni mulatu, kakuli U bonahalile fapila hao, ni ku Iponahaza mo ka swanelo fela ni Mañolo. Ki ba

bakai babaka paka cwalo, ka kunanula mazoho a mina, muli, “Ni U boni mwa biki yee”? Yeo ki niti, mwabona, kona kuli haluna mulatu. Haluna buinyazo.

<sup>329</sup> Cwale kana kuna ni yabata, alimuñwi fela ya tabela kutaha? Kuli Ni bulele kuli, sina nako yaka haise ikwana ya kuzwa kwanu kamuso, haiba Mulena alata, Ni kona kubulela kuli, “Ni lukuluhile kwa mali kaufela a sikundi sa ancafazo sani. Ni ezize zende luli mo ni konela, Mulena. Ni li beya ku Wena. Cwale Wena fela . . . ufi ni ufi.”

<sup>330</sup> Cwale ki ba bakai mwahali mo, babakula mi mutokwile, mi mutabela kuba ni tapelo ya mina, halu boneñi mu nanule mazoho a mina. Ku lukile, ki mwa muyaho kaufela.

<sup>331</sup> Cwale Ni ka mi kupa kuli mu niezeze nto yeñwi. Cwale kana mu balumeli nji? Cwale Ni bata kuli mu ni ezeze nto yeñwi cwale. Mubeye mazoho ku mañi ni mañi. Mubeye fela mazoho fa halimwa mañi ni mañi, mi cwale, mutualime, Ni bata kuli mulapele, mulapele fela.

<sup>332</sup> Cwale muhupule, batu kaufela baba ka taha mwa mukoloko wa tapelo kamuso, muna ni kuba mo ka kuitahanelo, ku to amuhela kadi ya tapelo. Mu iswale mwa lizoho hase ili nako ya mukoloko cwale. Haiba una ni mulatiwa, mi mizwale ba Methodist, Baptist, Presbyterian, kamba ki wena mañi kaufela, haiba muna ni baba kula, kuli, mu—mu tahe hamoh ni bona, mutahe ona cwalo mwa mukoloko ni bona. Mutahen mu ikungele kadi ya tapelo, kakuli . . . Mi mutise kadi ya tapelo hande mwa mukoloko; balibeleli fa munyako ba ka i amuhela. Ba ka taha bukaufi mi ba lapelelwé.

<sup>333</sup> Ni lumela kuli Mulimu uka eza lika zetuna kamuso. Ni sepa kuli U cwalo. Leo kona libaka ha Ni bizezanga sicaba kwapili, kueza kaufela ze Ni kona, kuli ni fumane sishemo ni Yena.

<sup>334</sup> Cwale kaufela halunze luinamisa litoho zaluna, mi kaufela musweli kulapelelana. Cwale Bibele iize, “Lisupo ze li ka ya ni baba lumela.” Cwale u lapelele muuna kamba musali yosweli kwa lizoho yoo, kakuli ni yena wa ku lapelela. Mwabona? Usike wa itapelela. Ulapelele yena. Mubeye mazoho fatoho ya yomuñwi ni yomuñwi, ni kulapela. Mubeye fela mazoho amina. Kona cwalo.

<sup>335</sup> Cwale amulapele mo mu evezanga kwa likeleke za mina. Muli, “Mulena Jesu, folisa mubotana, mulatiwa, kezeli; mubotana yoo, mulatiwa, muzwale; kamba ki mañi kaufela. Wa kula, Mulena. Mi Na—Na ni mulumeli, mi Ni ka latelela Linzwi la Hao. Mi Linzwi la Hao lili, ‘Lisupo ze li ka ya ni baba lumela. Ha baka beya mazoho abona fa bakuli, bao baka foliswa.’ Mi Ni beya mazoho aka ku mukuli, mutu yakula yoo, muzwale yakula yoo, kezeli yakula yoo. Na—Na—Na lapela, Mulimu, kuli U pake Linzwi la Hao, mi sisupo si latelele, mi uka foliswa.”

<sup>336</sup> Mulena Jesu, Na mu lapelela, ni litaulo zee; kuli, ka Libizo la Jesu Kreste, yena Mwana Mulimu, kuli U folise mutu kaufela yali Fapila Bulimu bobupahami.

<sup>337</sup> Satani, u luzize ndwa. Se ba boni Pata ya Kreste. Ba utwile Linzwi la Hae, ku Li bona ha iponahaza. Baezalibi bateni mwani, ba bata puluso. U luzize ndwa. Zwa mwa sicaba see, ka Libizo la Jesu Kreste. Ba siye, kuli usike wa ba kataza ni kamuta.

<sup>338</sup> Mi tuhela kuli Mulimu wa Lihalimu aba zuseze, kwa bupilo hape, ni buiketo ni kutiya. Mi cwale bona babasweli makadi a litapelo mane habalukeli kutaha mwa mukoloko wa litapelo, kamuso. Mi Moya o Kenile u bube fela fa sicaba se, ni kufolisa mañi ni mañi wa bona kwa kanya ya Mulimu.

Cwale zwelapili, muzwale.



*JEHOVA-JAIRE* <sup>3</sup> LOZ64-0404  
(Jehovah-Jireh <sup>3</sup>)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo manzibwana, Lungu 4, 1964, il fa 4-H Club Barn mwa Louisville, Mississippi, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)